

分宜縣志卷三一

藝文志

唐賦

海潮賦 并序

盧肇



夫潮之生因乎日也其盈其虛繫乎月也古君子所未究之將爲之辭猶憚夫有所未通者故先序以盡之肇始窺堯典見歷象日月以定四時乃知聖人之心蓋行乎渾天矣渾天之法著陰陽之運不差陰陽之運不差萬物之理皆得萬物之理皆得其海潮之出入欲不盡者將安適乎近代言潮者皆驗其及時

而絕過朔乃興月弦乃小羸月望則大至以爲水爲
陰類牽於月而高下隨之也遂爲濤志定其朝夕以
爲萬古之式莫之逾也殊不知月之與海同物也物
之同能相激乎易曰天地睽而其事同也男女睽而
其志通也夫物之形相睽而後震動焉生植焉譬猶
烹飪置水盈卣而不爨之欲望膳羞之熟成五味之
美其可得乎潮亦然也天之行徃晝夜復焉日傳于
天天右旋入海而日隨之日之至也水其可以附之
乎故因其灼激而退焉退於彼盈於此則潮之往來
不足怪也其小大之期則制之於月大小不常必有

遲有速故盈虧之勢與月同體何以然日月合朔之
際則潮殆微絕以其至陰之物邇於至陽是以陽之
威不得肆焉陰之輝不得明焉陰陽敵故無進無退
無進無退乃適平焉是以月之與潮皆隱乎晦此潮
生之實驗也其朧其朧則潮亦隨之乃知日激水而
潮生月離日而潮大斯不刊之理也古之人或以日
如平地執燭遠則不見何甚謬乎夫日之入海其必
然之理乎且自朔之後月入不盡晝常見焉以至於
望自望之後月出不盡晝常見焉以至於晦見於晝
者未常有光必待日入於海隔以映之受光多少隨

日遠近則光少遠則光多至近則甚虧至遠則大
 滿此理又足證夫日至於海水退於潮尤較然也肇
 適得其旨以潮之理未始著於經籍間以類言之猶
 乾坤立則易行乎其中易行乎其中則物有象焉物
 有象而後有辭此聖人之教也肇觀乎日月之運乃
 識海潮之道識海潮之道亦欲推潮之象得其象亦
 欲為之辭非敢銜于學者蓋欲請示千萬祀知聖代
 有苦心之士如肇者焉賦曰

開圓靈於混沌包四極於永貞立天之道艷至陽之元精

謂日也作寒暑與晦明截穹崇以高步涉浩漾而下征

迴龜鳥於兩至

冬至日在南斗元武之體故云龜夏至日在北井朱雀之體故云鳥也

曾不愆乎度程其出也天光來而氣曙其入也海水
 退而潮生何古人之守惑謂滋濤之不測安有夫虞
 泉之鄉沃焦之域棲悲谷以成暝浴濛汜而改色巨
 鯢隱見以作規介人呼吸而為式陽侯玩威於鬼工
 伍胥洩怒乎忠力是以納人於聾昧遺羞乎後代曾
 未知海潮之生兮自日而大陰裁其小大也今將考
 之以不惑之理著之於不刊之辭陳其本則晝夜之
 運可見其影響言其徵則朔望之候不爽乎毫釐豈
 不謂乎有耳目之疾而燿將判乎神醫者也粵若大

極分陰分陽陽為日故節之以分至啓閉陰為水故
 霏之以雨露雪霜雖至曠而可見雖至大而可量豈
 謂居其中而不察乎沙漠亡其外而不考其茫洋者
 哉故水者陰之母日者陽之祖陽不下而昏曉之望
 不得成陰不升而雲雨之施不得覩因上下之交泰
 識洪濤之所鼓胡為乎歷象取其枝葉而迷其本根
 也策其涓滴而喪其泉源也諸家不言海湖之由也於是欲挾
 其所迷而論之採其所長而存之光乎廓乎汨磅礴
 乎差潏溟之無際曷鴻濛而可以盡度乎乃知夫言
 潮之初心遊六虛索蜿蜒乎乾龍駕轆轤乎坤輿知

六合之外洪波無所洩

但隨二至升降而已

識四海之內至精

有所儲

元氣常運萬物自成

不然何以使百川赴之而不溢萬

古揆之而靡餘也是乃察乎濤之所由生也駭乎哉

彼其為廣也視之而盪盪矣彼其為壯也欲乎其沈

沈矣其增其羸其難為狀矣當夫巨浸所稽視無巔

倪洶湧瀕洞窮東極西浮厚地而體定

謂天浮於水天在水上也

半圓天而勢齊

謂陰陽上下各一半也

謂無物可以激其至大

故有識而皆迷及其碧落右轉陽精西入

始作潮也

抗雄

威之獨燥卻衆流之繁溼高浪瀑以旁飛駭水洶而

外集霏細碎以霧散屹奔騰以山立巨泡邱浮而迭

起飛沫電燧以驚急且其日之為體也若熾堅金圓

徑千里周髀法曰日徑千里周三千土石去之稍邇而必焚魚龍

就之雖遠而皆靡何海水之能逼而不澎灑沸渭以

四起故其所以凌鑠其所以薄激者莫不魄落焯鑠

如燬巨鑊滌兮不可探乎流流之內呀焉若天地之

有齟齬其始也漏光迸射虹截寓縣拂長庚而尙隱

帶餘霞而未殄其漸沒豹虎茵反兮若后羿之時平林

載馳驅貙虎與兕象燂干熊及萬羆呀偃蹇而矍鑠

忽劃礫而嵯此何齟意其反齒露反其少進也若兆人

續紛填城溢郭蹄相蹂蹙轂相摩錯閭闐澶漫凌強

侮弱倏皇輿之前蹕孰不奔走而揮霍及其勢之將

極也濔兮若牧野之師昆陽之衆定足不得駭然來

奔騰千壓萬蹴搏沸亂雄稜後闕儒勢前判攝仁兵

而自僵倏谷呀而巘斷此者皆海濤遇日之形聞者

可以識其畔岸也賦未畢有知元先生諷之曰斯義

也古人未言吾將輝乎文墨之場以貽永久為天下

稱揚爰有博聞之士海潮之義始盱衡而抵掌俄顛

虛禁斷而愕眙擘衣下席蹈足掀臂將欲致詰領畫

天地久之而乃謂先生曰伊潮之源先賢未言枚乘

循涯而止記其極木華指近而未考其根焉有末學

後塵遠荒唐而敢論先生矍然而疑乃因其後推車
捧席執牯音渠乾雉也儀禮士相見春夏用牯冬用雉伺顏言之少間請

見微之所如客乃曰人所不知而不言不謂之訥人
所未識而不道不謂之愚彼亦何敢擅談天之美幹

究地之踰指溢漭之難悟欲蠱聽於羣儒今將盡索

乎彼潮之至理何得與日月而相符且大章所步

禹臣禹使步量地理者也東西有極容成叩元陰陽已測容成皇帝臣帝

遣造歷日陽秀受乎江政元冥佐乎水德莫不窮海運稽

日域及周公之為政也則土圭致晷謂量日影千里而差一寸也

周髀作則即勾股算法周人以髀為勾以股為用以算乃知日之遠近也裨竈窮情

乎天象裨竈鄭大夫善知天文者子雲贊數於幽默楊雄作大元經分八十一

首七百二十九贊以定陰陽之數者也張衡考動以鑄儀謂池動儀淳風述

時而建式謂作乙巳占以儀立式以定星辰也彼皆凝神於經緯之間

極思乎圓方之壺胡不立一辭於茲潮以明乎繫日

之根本也先生苟竒之胡不思之先生將寶之胡不

考之自此以下發十四問苟由日升當若準若繩何春夏差小

其一而秋之渤與其二其逾朔也當少進何遠激而

斗增其三問初二其過望也當少退何積日而憑凌

其四問十八日晝何常微其五問晝夜何常大其六

比書勢校大何錢塘泐然以獨起殊百川之進退其七

問何仲秋忽爾而自興異三時之滂濡其八日之赫

焉猶火之烈火至水中其威乃絕入洪濱以深漬何

日光而不滅其九潮之往來既云因日日唯一枕潮

何再出其十萬流之多匪江匪河發自岷澮往成天

波終古不極溘沉四國何成彼潮而小大一式其十一

為潮之外水歸何域其十二又云水實浮地在海之心

日潛其下而降彼大陰且其土厚石重山峻川深投

塊置水靡不有沈豈同其芥葉而泛以蹄岑繫塊北

之至大河水力之能任其十三吾聞之天地噫音氣有

吸有呼晝夜成候潮乃不踰其十四豈由日月之所運

作誇誕以相誣者哉先生閱賦之初深通厥旨及聞

客論忻然啓齒於是謂客徐坐善聽厥辭蓋聞南越

無頒冰之禮鄭人有市璞之強常桎梏於獨見終沈

溺於羣疑既別白而不悟爰提耳而告之然事有至

理無爭無勝猶權衡之在懸審錙銖而必應稽海潮

之與旨諒余心之足證當為子窮幽而洞溟豈止於

揆物而稱哉答第夫日北而煥陽生於復三震下坤

論日之升降陰陽之大體故離南斗而景長冬至後

假周易復姤二卦以明之也日漸近北故晝漸長日

進一度故也邇中都而夜促當是時也氣蒸川源

潤歸草木既作雲而洩雨乃襄陵而溢谷魚龍發坂

於胎卵鳥獸含滋於孕育且水生之數一而得土之數六不測者雖能作於溟渤苟窮之當無羨於升掬其散也為萬物之腴其聚也歸四海之腹歸則視之而有餘散則察之而不足春夏當氣散之時故潮差而小也答第及其日南而涼陰生於姤巽下乾退二問東井而延夕夏至後日漸近遠神州而滅晝當是時也草木辭榮風霜入候水泉閉而上涸滋液歸而下湊瘁萬物以如燭空大澤而若漏縮於此者盈於彼信吾理之非謬秋冬當氣聚之時故潮差而大也答三兩曜之形大小唯敵既當朔以制威陽雖盛而難問

迫其離若爭其合如擊始交緩而並鬪合朔之次非比乎交無物喻之故終摩壘而先釋月行疾合朔乃過日沮其雄水凝其液既冒威於一朝信畜怒乎再夕且潮之所恃者月趨陰所畏者日避陽月違日以漸遙水畏威而乃溢亦猶羣后納職來籓王門獲命以出望宁而奔引百寮而盡退何一迹之敢存此潮象之所以至二日而斗增也答第黃道所遵遐邇已均肆極陽而不礙故積水而皆振自朔而退哉生魄之後左退為順式自望而進自望之後在日之進為干德稍稍近干犯伊坎精之既全將就晦而見逼勢由望而積壯之也

故信宿而乃極此潮之所以後望二日而方盛也答

五并第自曉至昏潮終復始陽光一潛水腹迸起復

六問來中州逾八萬里周天法一面出入八萬里其勢涵澹無物能弭

周天法一面去日八萬一分晝於戌作夜於子子前

千一百九十九里有奇也前為早潮亥後為晚潮子之前日下而陰滋子之後

日上而陽隨滋於陰者故鑠之於水而不能甚振隨

於陽者故迫之為潮而莫肯少衰此潮所以夜大而

晝稍微也答第嘗信彼東遊亦聞其揆賦之者究物

理盡人謀水無遠而不識地無大而不搜觀古者立

名而可驗何天之造物而難籌且浙者折也蓋取其

潮出海屈折而倒流也夫其地形也則右蟠吳而大

江覃其腹左挾越而巨澤灌其喉獨茲水也夾羣山

而遠入射一帶而中投夫潮以平來百川皆就折入

既深激而為鬪此一覽而可知又何索於詳究答第

羣陰既歸水與天違當宵分之際謂八月也避至烈之輝

因圓光之既對引大海以羣飛大元經云海中飛羣夫秋之中

而陰盛亦猶春之半而陽肥事苟稽於已著理必辨

於猶微故濤生於八月之望者尤岌岌而巍巍也答

九萬物之中分日之熱謂三才之中叩琢鑽研其火

乃烈吹煙得焰傳薪就蕤附於堅則難銷焚於稿則

易絕所依無定遇水乃滅大陽之精火非其匹至威
 無焰至精有質入四海而水不敢濡照八紘而物莫
 能屈就之者咸得其光輝仰之者不知其何物其體
 若是豈比夫寒灰死炭遇溼而同漂汨哉答第十問方輿
 之下陽祖所迴歷亥子而右盛逾丑寅而左來右激
 之遠兮遠為潮左激之遠兮遠為汝既因月而大小
 成亦隨時而前後隔此日之所以一沈而潮之所以
 兩析也答第十問天地一氣也陰陽一致也其虛其盈
 隨日之經界寒暑之二道將無差於萬齡故小大可
 法而乾坤永寧也答第十問若夫雲者雨者風者霧者

為雪為霜者為霰為霧者雷之所鼓者龍之所赴者
 羣生之所賦者萬物之所附者彼皆與日而推移所
 以就其衰而成其茂也然後九圍無餘而萬流為之
 長輔談未竟客又勦而言曰若乃寒暑定而風雨均
 也吾聞之洪範云豫常煥急常寒狂乃陰雨為沴僭
 則陽氣來于苟日月之躔一定又何遠於王政之大
 端彼有後問姑紆前言夫三才者其德之必同天以
 陽為主地以陰為宗參二儀之道在一人之躬一人
 行之三才皆協德順時則兩霽均行逾常則凶荒接
 僭慢所以犯陽德也故曝尫莫之哀狂急所以犯陰

德也故離畢為之災此則為政之所致非可以常度而剝裁也客曰唯其餘如何復從而解之曰答第十

惟坤與乾余常究焉清者浮於上濁者積於淵濁以

載物為德清以不極為元載物者以積鹵負其大鹵

水也所以能浮厚地也 不極者以上規奠其圓北辰不動謂故

知鹵不積則其地不能載元不運則其氣無以宣夫

如是山嶽雖大地載之而不知其重華燹雖廣鹵承

之而不知其然也氣之輕者其升乃高故積雲如嶽

不駐鴻毛輕而清也而物莫能勞及其干霄勢窮霏

然下墜謂為雨者也隨坳壑而虛受任畎澮之疏潰則重

也故舟楫可以浮寄至夫離九天埋九地作重陰之

膠固自堅冰以馴致固可以乘鴻溟以自安受萬有

而不圯者也聽茲言較茲道定一陽之所宗何眾理

之難考且合昏知暮而翰音司晨安有懷五常之美

豫率土之濱苟無諒乎此旨亦何足齒於吾人答第

十四問子以天地之中元氣噫意噓為夕為朝且登且沒

泛辭波而甚雄處童蒙而未發孰觀地喙乎深泉之

涯孰指天吭乎巨海之窟既無究於茲源寧有因其

呼吸而騰勃者哉客謝曰辭既已矣欲入壺奧願申

一問先生幸以所聞教之嘗居海裔觀潮之勢或久

往而方來或合沓而相際曷舛互之若斯今幸指乎
所制先生撰屢旁眄亦窮其變吾因訊夫墨客當大
索其所見彼亦告於余曰日往月來氣迴天轉其激
也大則體盛而相疎其作也小則勢接而相踐惟體
勢之可准故合沓而有羨其何怪焉客乃蹠軀歛色
交袂而辭彼圓元方頤古惑今疑歎載籍之不具恨
象數之尙遺方盡迷於閭域非先生親得於學者而
孰肯論之於是乎若卵升鷓生鼓擊聲隨雷電至而
幽蟄起蛟龍升而雲雨滋形開夢去醒至醒離旣手
之舞之足之蹈之乃避席而稱詩爲賀庶知元先生

之辭辭曰

噫哉古人迷湖源兮刊編讎翰曾未言兮羅虛列怪
無藩垣兮名儒幽討理可尊兮高駕日域窺天門兮
濤疑一釋永立言兮若和與扁祛吾昏兮昔之論者
何以繁兮意摩心揣祇爲謹兮陰陽數定水長存兮
進退與日遊混元兮一升一降兮寒暑成下凝濁兮
上浮清隨盈任縮兮浮四溟釜鑄蒸爨兮擬厥形願
揚此辭兮顯爲經高誇百世兮貽億齡先生曰彼能
賦之子能演之非文鋒之破鐫何以解乎羣疑客乃
酣然自得油然而退也

海潮賦後序

盧肇

夫以璿樞顯視周四七而成文玉琯潛聆載十二而分統肇有憑翼生乎象先雖迷放屬之源終識踐躔之數是以迎推洞乎三合分至貞乎四禽既測洪荒瞭分清濁於是九圍所沓必揆於靈臺萬古無差可徵於幽贊且彤車白馬先命羲和紫極黃龍次分甘石雖東流不溢天問猶疑而北戶承陽地維何隱稽夫儒氏之業也莫不咸思蟻轉盡愧雞如安可命曰三靈或迷其六大愚以始聞方數則揆元黃亦嘗以大寶酬嘲敢云早惠旣不用蛤膠習戲自鄙童心及

竊譽里中拘塵長者執經堂與避席嚴師自悟牖間媿非胡廣頻依廡下虛感伯通而日月居諸榆槐屢改管窺之心妄切瞽史之學難修而又爛額焦頭方思馬褐捉襟見肘久困牛衣颯垂領以若驚顧生髀而增歎信天人之際難可究思考經緯之文因有宗旨竊以海潮之事代或迷之今於賦中盡抉疑滯輒依落下閔張平子何承天等以渾天爲法水與地居其半日月繞乎其下以證夫激而成潮之理并納華燹郡國環以二十八宿黃道所交及立北極爲上規南極爲下規以正乎日月之所由升降其理昭然可

辨謂之潮圖施諸紛績庶將無闕緬螢囊之已久撫
魚網而多慙敢避識者之譏固受不知之罪云耳

進海潮賦狀

盧肇

朝散大夫持節歙州諸軍事守歙州刺史柱國賜紫
金魚袋臣盧肇謹進上海潮賦一首

右臣伏聞神農立極先定乾坤軒后統天始宏歷象
蓋以大聖有作而大法乃明必自臣子之所爲克成
君父之至德只如陳韶奏夏允諧聖帝之音而伐鼓
鏗鍾元在工人之手業雖成於微賤事乃表於皇王
臣今所陳竊用此道伏惟睿文明聖孝德皇帝陛下

德邁伊媯道包覆載垂衣而九有無外執契而萬國
來庭日月貞明天地交泰珍圖瑞物允膺得一之符
伯益率繇共佐千年之聖臣實陋賤亦忝方州而微

臣始自知書志在稽古或觀天地之道得於經史之
間既察置圭亦聞測管究黃鍾於玉律窺碧落於璿
樞伏念司馬遷則書載天官張平子則儀鈞地動臣
仰遵前哲輒揆圓虛偶識海潮深符易象理皆摭實
事盡揣摩既當鳳紀之朝願陳蠡測之見臣肇誠惶
誠恐稽首頓首臣又聞天垂象而六合成道生一而
三才具皆由日月運乎陰陽是謂神明分乎晝夜伏

知此道盡在陛下睿鑒之中故不俟微臣因此別白然自古以來莫不以地厚難測日既入而人不見其行海大無涯潮潛生而人不知其候上古聖人則之於八卦學者演之成六家而有講論未明根本不圖天垂大法假乎微臣獲在聖朝彰此愚見臣門地衰薄生長江湖志在爲懦弱不好弄研求近代寒苦莫甚於斯臣伏念爲業之初家空四壁夜無脂燭則熱薪蘇曉恨頑冥亦嘗懸刺在名場則最爲孤立於多士則時賢獨知累竊皇恩遽變白屋臣於會昌三年應進士舉故山南節度使同中書門下平章事王起

擢臣爲進士狀頭筮仕之初故鄂岳節度使盧商自中書出鎮辟臣爲從事自後故江陵節度使贈大尉裴休故大原節度使贈左僕射盧簡求皆將相重臣知臣苦心謂臣孑立全無親黨不自吹噓悉賞微才奏署門吏臣前年二月蒙恩自潼關防禦判官除秘書省著作郎其年八月又蒙恩除倉部員外郎充集賢院直學士去年五月又蒙恩除歙州刺史臣謹行陛下法令常懼慙違理郡周星未有政績潛被百姓詣闕以臣粗事緝理求欲留臣奉七月二十二日勅又蒙聖恩賜臣金紫臣素無強近之援不異草澤之

人忽荷寵光及此叨忝臣不以平生志業上奏於宸
慈實懼犬馬之微忽先於溝壑則臣積年無所闡揚
非唯自負片心實亦上辜聖代是敢竊以所撰前件
潮賦并圖進上臣爲此賦以二十餘年前後詳參實
符象數願以潢汙之水輒赴溟渤之流而彫蟲所爲
刻鵠難肖塵冒天聽罪當鼎鑊今差軍事押衙盧師
洎隨狀奉進上黷宸嚴敢期睿覽臣肇無任惶懼戰
越屏營之至謹錄奏以聞伏俟誅責

勅盧肇文學優賤時輩所推窮測海潮出於獨見微
引有據圖象甚明足成一家之言以祛千載之惑其

賦宜宣付史館

皇清

賦

紫雲峰賦

歐陽鍾

宜之南安之北有山焉山峩峩然石壘壘然樹緊緊
然竹猗猗然其左則村曰黃坊其右則村曰白雲其
前後則翠嶺爲藩籬峽岬爲門戶位正乎中如執象
笏拱列辟灰拓其旁如開市垣表千室蓋自是有梵
宇亭臺矣環堵磷磷牆不土也龕次硜硜座不椅也
壁壘巉巖礎連椽也松筠依檻穿烏兔之梭而拂旌
旗之竿也吐羣英蔭繁植弄紅華飛黃葉四序風光

時時可食而可挹若夫仰通廣漠俯瞰平原烟萬灶
而並起路百折而交橫列壑歸而復粲帶水繞而揚
聲鐘鼓間響鳥雀爭鳴香虬捧篆霞彩相迎伊粧點
之多情假笙歌於萬籟召人神兮來王占災祥其有
檜天馬橫膝驟馳太乙之坡地龍鎖腰枕卧清泉之
貝林參差而動影田疊曲而盈阡友同盟之鹿豕散
當鑪之金錢馴馴而虎不猛飄飄而鶴自仙長嘯則
谷口爲開陰凝則雷電爲掃納芥子之乾坤貯崆峒
之黃老織晴空之錦文緼淋漓之詞藻至於間士遊
女撫景尋芳當中和而容與際重九而翱翔捫薜蘿
以延竚踏石磴以徬徨或抱亂石而蹴踔或居危樓
而烹漿飄兩袖宜於風醉千觴宜於月簪金珥宜於
花佩玉珂宜於雪斯皆翠嶺之高標紫雲之出沒雖
然雲以紫名庸知其所由來乎望氣者黑雲爲崇禋
白雲爲仙侶彤雲爲文班赤雲爲武庫是峯之以紫
雲名也豈徒爲高人隱者助將有魏鄭公李鄴侯鍾
靈毓秀於其間發跡流光於其所又何羨乎壺公與
巢父

桃源洞賦

鍾學進

鈴北上松有古洞曰桃源高人韻士親歷其地賦咏

甚悉洞門有四大字曰桃源洞天惜其世遠則苔蘚
侵凌乎碑碣年湮則風雨斜抹而模糊故可望不可
卽亦若有而若無山川遺仲將之筆仙跡繪摩詰之
圖其賈勇而入也徑滑險阻谿折縈紆羊腸若斬絕
鳥道歷崎嶇其首洞也豁然天開何異蓬萊二石對
峙而名獅象百嵌玲瓏而淨塵埃歷乎洞府之深沉
藏乎谿壑之曲隈其旁列也仰玉樹之森陳扣金石
以成聲似鐘似磬恍接韶音地穴震而霹靂山魃驅
乎鯨鳴又有小隙不顯靈異秉炬照之若開若閉踪
跡似八仙之渡海雜遝如諸仙之來世爰有高人指

點迷津石路經斧斤之劈俯首宜蹠躅而行非烈焰
不能入顧跬步而若驚適冥搜而散懷方暢景以移
情滿室如金璧之輝布地見神龍之呈其數有九其
機若生頭角不露乎塵凡鱗甲每隱乎秋潭領有明
珠之異喉有逆鱗之斑食五花之樹遊十洲之間潛
躍不在深淵而在原谷屈伸不居巨浸而居人寰其
中杳渺難窮竇穴潺湲樹如荔枝竒若舟帆石級石
田遊徧開顏語云山不在高有仙則名水不在深有
龍則靈直其然乎至若噓雲霧於巖岫布霖雨於蒼
生或飛或躍倏幽倏明神物固爾不測天矯任爾縱

分宜縣志 卷三十一
橫此又天壤間之變幻無窮豈世人之所可模擬而
品評者哉亂曰古洞從來別有天名題峭壁蝕雲烟
半空寒氣侵肌骨幾度逡巡不敢前 聞說桃源好
避秦桃源花發洞中春漁郎來覓桃花瓣一見桃花
喜問津

唐詩

昌山渡

黃子山

踈柳離江驛殘花別楚雲未甘魚共葬猶得鴈同羣
久矣離騷國居然骯髒文厚顏滄水使深謝閱城君

石仙聳翠

黃子山

聳翠峰高千百尺四時常似梅藍色卓然萬古鎮祇
圍世代鬼工驅不得巍巍直上插青天遠疑似與天
相連登臨下視羣山小千里平鋪在目前藤蔓交加
生薜荔土毛蒼蘚相蒙蔽風剪雲開雨歇時飛出一
山新翡翠日迴影倒落前溪烟波湛湛浸琉璃嶙峋
何物可比類分明一隻擎天柱

別家赴舉

盧肇

秋天草木盡凋踈西望秦關別舊居筵上青樽今日
酒篋中黃卷古人書離山且作啣蘆雁入海終爲帶
角魚長短九霄飛直上不教毛羽落空虛

射策後作

盧肇

射策明時愧不才，敢期青律變寒灰。
晴憐斷雁侵雲去，暖見醞雞傍酒來。
箭發尚憂楊葉遠，愁生只恐杏
花開。曲江春淺人遊少，盡日看山醉獨回。

及第後送潘圖歸宜春

盧肇

三載皇都恨食貧，北溟今日化窮鱗。
青雲乍起逢知己，白社猶悲送故人。
對酒共驚千里別，看花自感一枝春。
君歸爲說龍門事，雷雨初生電遶身。

及第後江陵觀競渡寄刺史成應元

盧肇

石溪久住思端午，館驛樓前看發機。
鞞鼓動時雷隱隱，畫橈翻處雪霏霏。
衝波突出人齊噉，躍浪爭先鳥退飛。
向道是龍剛不信，果然奪得錦標歸。

將歸留題新安館

盧肇

東里如今號鄭鄉，西家昔日近坵牆。
雲臺四部添新學，秘殿三年學老郎。
天外鴛鴦愁不見，山中雲鶴喜相忘。
猶張皂蓋歸蓬蓽，直謂時無許子將。

宋詩

葛仙壇

周兌

稚川不戀晉衣冠，勾漏燒成九轉丹。
行滿已隨鸞鶴

去後人徒爾拜空壇

雞足山

費 珽

何人有力負山走雞足來崇小梵天珍重老師重說
法半空鐘鼓舊山川

洪陽洞

柳 交

洞口春歸草木香洞中流水薜蘿長真仙鶴馭今何
處應共白雲朝帝鄉

福勝寺

張 栻

朝宗秀水琉璃碧擁縣高山翡翠青三峽原稱天下
險五臺端是地中靈羊腸紫棧平如砥魚貫朱甍巧

似屏中有神仙來作牧斗南夜夜燠台星

過分宜

張 栻

活活泥涂十日行娟娟好月作新晴陰晴莫謾生嗔
喜天地何曾有晦冥

分宜道中

孫 覲

老牯挽犁泥沒膝剡剡青秧鉞水出大麥登場小麥
黃桑柘葉大蠶滿筐猿鳥相呼聚儔侶繅絲百箔聞
好語此時物色不可孤勸君沽酒提壺盧

分宜逆旅逢同郡客子

楊萬里

在家兒女亦心輕行路逢人總弟兄未問後來相憶

否其如臨別不勝情

題分宜上松晚香堂

沈菊山

魏公判相州始作畫錦堂老圃秋色淡自愛晚節香
怡齋懷紫綬得誥歸故鄉葺圃承祖志構堂先廬滂
命名仰前哲濶步追遺芳人生隨分定鵬鷗自殊翔
富貴任適志餘暇徜徉譬彼蘭與菊托根花卉場
榮枯有遲速代謝從暄涼百年倏過半鬢髮各已蒼
多情感會別聚散安可常非惟隔今古况復閱興亡
何以消我憂一醉萬慮忘季子久顛沛買臣早疎狂
纍纍暮年印得夫寧相償何如光霽時呼客同舉觴

靜中猿鳥樂閒處日月長願堅歲寒操有如傲霜黃

秀埜園

沈菊山

西京五畝園花木秀而野坡仙作此時盛事記司馬
深夜獨樂堂氣象極閒雅晚芳相元祐勲名動夷夏
送孫公善假守廬陵

黃廷堅

宜春別駕鄉丈人假守廬陵二千石虛州無事鷗與
遊良賈深藏客爭席諸公鞭扑立威名公獨愛民猶
父兄諸公御吏如東濕公使人人得盡情人情居官
置郵命假守攝丞宜自便憂念公家眉不開誰能勤
民廢寢膳贈行欲借筆如椽公不肯留鼓催船歸到

宜春問春事班班筍芽蕨破拳

洪陽洞

朱子

人道歸雲未足誇洪陽石乳更含訝連環入夢難紆
軫回首西風又日斜

分宜晚泊江亭望南山

朱子

寒水粼粼受晚風輕舟來往思何窮何妨也向溪南
去徙倚空林暮靄中

宜陽道中

朱子

今朝已是臘嘉平我獨胡爲在遠行白髮倚門應注
想青山聯騎若爲情

洪陽洞

宋之瑞

天臺自是神仙窟常恨平生遊未足竭來訪古得洪
陽不憚攀躋冒炎酷當年事往雖渺茫至今峭壁摩
空蒼谿從洞口見穿穴始信靈蹟有天藏細泉滴乳
散瓊瑤亂日排衙互擎攫上施牀几看燒丹旁布膝
畦閒種藥虛舟聊具仍馭風靈源暗與江流通欲携
束煨恣幽討却疑深處藏蛟龍惜哉此境真奇絕地
偏往往成湮沒僅存野廟傍山阿倘非好事誰留轍
吾衰重到定無期肯辭重足陵丹梯共言荆榛無路
人徒羨翠羽穿林飛安知咫尺蓬萊隔邂逅仙人還

不識謾書所歷記吾儕歸向天台詫泉石

洪陽洞

劉清之

朝來拔脚塵埃底共訪人間小有天喚醒幾年朱墨
夢胸中邱壑故依然 稚川仙去憶浮邱携客巖前
問舊遊懷古臨風一杯酒荻花飄葉不勝秋

洪陽洞

許及之

劃開靈怪幾千年付與洪陽二老仙石室盡頭真境
秘天窻明處葆花圓乳泉煖滴燒丹井芝徑交分種
玉田不是到來須棗火故應各勝恨器纏

洪陽洞

謝牧

特特携筇探洞房中藏精氣凜寒芒神仙久視知難
學乞取逍遙物外方

桃源洞

陳浪顛

秦人避世桃源後更著桃源在楚鄉古往今來一塵
迹漁歌樵唱幾斜陽眼前不見落花面空裏但聞流
水香試捧寒泓漱牙頰擬吞瑤屑下詩腸

次分宜

祖無擇

分得宜春地東偏一畫屏洪陽仙洞古龍姥故祠靈
雨過溪痕長春回草意青道傍聊下馬指薛讀碑銘
呈分宜邑宰石子和

戴復古

古鎮更爲縣封疆半是山賦繁官吏窘土瘠稻梁慳
流水心何急高山意自閒春風細吹拂桃李滿民間

題昌山聖母廟

甘叔異

分宜古縣環清溪重岡複嶺如奔馳行逢山斷水流
處閱城廟枕山之西我來落日在前嶺摩挲一讀盧
肇碑嗟唐去今亦已久尙餘文字光陸離云昔秦人
有天下鏖戰六國愚黔黎碭山雲氣望不見神物乃
降江之婺雷轟電合助光恠蜿蜒墮地皆羣兒赤髓
玉鮪奉鼎俎追逐甘旨憐老慈姥先仙去環珮冷安
能蟠螫從兒嬉劉累不出浮俗隘况肯委贄羸與斯

珠宮貝闕世所希銅環十二白玉扉紉蘭作佩香披
披招搖手掉芙蓉旗哀彈清瑟和宓妃大川擊鼓披
馮彝巨魚踴躍龜鼉隨蝦蟇瑣細不得追廟門開闔
風颼颼千年萬載龍居之野巫偵伺薦酒卮簫鼓坎
坎來宮祠五采不辨虺與螭聊以幻化驚羣迷嗟我
四海久望霓無復空抱明月輝好施膏澤與六合豈
止但慰袁人思歷堦酌水致此辭退以遺誼傳於詩
才怪語類論甚卑龍兮謹勿相訶譏

題昌山聖母廟

曾季狸

白蛇妖血腥未掃真龍四散歸江島嶠南道上閱城

邊發露光芒自神姥當年龍爲神姥兒人耶龍耶媪
未知提携襁褓漸至大將從嬰慕經幾時媪持刀七
供晨羞誤傷兒肌血迸流兒驚錯愕遽入水頃刻變
化無停留媪方知兒是龍子扼腕嗟呼愁不已欲爲
母子復如初萬頃滄浪隔恩水恩深根久空纏綿媪
亦鶴髮終天年里人相率爲封樹孤墳突兀瀕江邊
龍爲人形服袞麻哀哀念母情如加自言坵壠太卑
下恐爲水嚼填松沙須臾遷易寘爽塏役使山靈驅
水恠路人俄見若堂封事畢不知龍所在由昔至今
過千歲媪猶廟食江之埃道傍過者皆乞龍割牲醢

酒來相繼向來健筆海潮手爲勒蒼珉傳不朽我來
摩挲三歎息文公墨妙今希有可憐野水年年綠欲
薦谿毛直可掬臨風泚筆賦長歌與當廟食迎送曲
元詩

昌山渡

歐陽元

昌山渡口日西斜蘭渚維舟近酒家水漱樹根龍露
瓜石排江岸虎交牙路迴佛寺藏深塢風動魚舟拂
落花再拜靈均獻蘋藻月明環珮下汀沙

白巖

歐陽元

道人獨坐白巖阿巖下皚皚白石多曾到普陀南海

岸白華無數擁盤陀

清暉閣

一歐陽元

巖前高閣扁清輝碧瓦朱甍映翠微老子懸車還故里倚闌何日看雲飛

方池

歐陽元

白巖山下俯清池花有清香水有漪幾度收經看月上分明水底見摩尼

古松

歐陽元

古寺長松倚半空問渠年臘祖師同應知方外輪囷器多謝清時雨露功

爲所性姪題小景

歐陽元

林廬淡疎烟歸帆泊沙渚披圖得空濶總是經行處
寒屋茆簷古疎烟野樹春迢迢濟川者應是此中人
浦口歸帆落沙頭行客回林間酒旗出快著一篙來
祭初祖墓奉酬嚴押

歐陽元

白髮甘泉黍從官歸來曳履上吟壇故山虎豹多文
采白水蛟螭自屈蟠謁客及門容屢滿贊文盈篋借
燈看百年省墓償初志心憶先親痛若剗 青春萬
木一根芟一一春工妙剪裁顧我乞歸懷穎水羨君
訪隱到天台題橋肯學相如志誓墓慚無逸少才但

喜陽剛時彙進明朝緹室動葭灰

至正壬午十一月十三日祭始遷祖墓於防里

村是日春洲先生有古律四首紀其事用韻

奉答

歐陽元

道左遺墟三百載曾孫壘石作階基儒家冬至祭初
祖客子異鄉來遠支白髮始修桑梓敬青編久廢蓼
莪詩無由作吏守墳墓願訪故山耘紫芝 與公俱
乏濟時具舊日相思不得過南國寄書川路永西橋
剪燭雨聲多池邊黃鵠有人賦門外驪駒無客歌但
得茆齋相伴處臨風遙想玉爲珂 陶合歸來謀作

室孟郊老去乏應門政緣踈懶動遐思無奈過從求
贈言平江曲澗助蓋厓複嶺層巒如浩壘歲晚胡爲
滯空谷萋萋芳草怨王孫 十年玉署絲綸手新把
漁竿傍釣磯平生亦愛蒔蘭蕙歸日惟知求蕨薇干
祿郎君離綵侍投閒老子賦緇衣山中薦士書長寫
弱翰猶能爲客揮

送白芒李宜忠之寧州教授

歐陽元

廣文家住白芒原唐世忠臣闕闕存寧郡喜迎新博
士邦人特重舊王孫楊花絳帳春雲陣苔蘚丹書暮
雨痕向使汾陽晞曖在應慚詩卷在名門

題分宜趙尹所藏子昂竹石圖 歐陽元

有客有客白其馬汶篁移植燕山下歲寒心事木石知雨露恩深詎能寫

和寶雲寺一清 歐陽元

禪板蒲團百言空坐聞宿鳥起霜風巡堂首坐三更過師在雲山第幾峯 虎溪一笑珊瑚了不似當時刻棹回高興莫教容易盡青鞋布襪約長來

桃源洞 范棹

天工鑿混沌地穴出嶺岈陽氣三冬變陰風六月寒仙風携鹿到神物護龍蟠舊跡懸岸上年深字欲刊

哭分宜義士彭繼凱 郭鈺

風折旗竿卧落暉殘兵揮淚脫戎衣徒聞卽墨田單在不見成都鄧艾歸獻凱何時承寵渥爭名自古抱

危機宜春元帥還相問近報洪州未解圍繼凱復袁州遣迎監郡某元帥以下歸視事守土將某忌其功遂殺之

題分宜縣橋 郭鈺

雲從溪北生雨過溪南響溪上簑笠翁倚闌看水長

謝恩橋 虞集

五代屯田宅三爲列郡師綠袍分草色畫袖列花枝兩過雙虹舉風生駟馬馳惟因橋下水重見拜恩時

福勝寺

虞集

江頭說與老僧知
玩水觀山豈定期
白髮自來無處
所黃花更老不嫌遲
爐烟遶座寒留宿
缺月窺禪夜
誦詩惟有峽中三石澗
千年幾度見來時

福勝寺僧和虞集

僧一初

老却黃花客未知
回舟旬日漫相期
龍江話月啣杯
久獼徑看雲步履
遲天地長懸司馬記
山川有待杜
陵詩錦囊收拾同誰讀
側耳蛩聲入思時

福勝寺僧賦五律答虞集

僧一初

翰苑虞夫子名聞四海傳
偶携天上月來繫寺前船

一見如曾識三生定有緣
不嫌雲卧冷與我共留連
明詩

酬姚六丈

黃子澄

海內瘡痍盡同心
尙幾人冬雷鱗出震邊報
羽書屯
日夜思良將烟雲困旅臣
中宵燈下草無路
遶楓宸
君恩無可報惟有淚沾衣
已在江湖是難忘
獻納非
共知師失律何忍遞爲肥
日望長安信暮還空掩扉

還洞庭

黃子澄

此身已托網常寄雖有乾坤奈爾何
富貴幾年輕桎
梏文章千古重山河
君恩寶玉空懷記
世事風雷展

眼過莫謂海鄉非故國子孫應保碧山阿

題梅竹贈一軒上京

黃子澄

老幹鐵爲骨踈枝玉作花至今明月裡清影落牕紗
虛心直比玉琅玕勁節修修老歲寒不是平生堅苦
節清聲那得動朝端

賞牡丹次歐陽元春先生韻

黃子澄

吾聞開元盛時花之貴世稱黃姚與紫魏買栽池館
占東風舞袖歌喉嬌體醉煖籠輕幄嬌無塵瑤臺月
下真天人長衢綉輓素有分黃金買斷京華春嗟魂
誤寫陽臺雨玉環怒掩霓裳舞青驪蜀棧歛然西干

載沉香有禾黍吁嗟世事知幾遷羲輪日夜行翩翩
滁山尙培魏家紫至今國色猶依然花中富貴衆所
喜近代名花能有幾要知種德如種花方遣子孫看
到此幾回歌罷招飛仙仙子問我今何年少年意氣
爲傾倒醉倒猶向花神前人生百年世稀有但願東
君與花各長壽年年歲歲兩相歡好是此花大如斗

賞芍藥次韻

黃子澄

清門公子惜芳春開筵上日延嘉賓當堦芍藥綻紅
白冰姿艷質俱天真昭君已入丹青手何郎未醉黃
封酒丹幄籠霞麗日長玉盤承露新粧久廣陵異種

古來誇獨有金帶稱奇葩
廟廊大材今復見玉堂學
士歐陽家尚憶西園全盛日
碧海蓬瀛繞丹室江南
一夜劫灰飛竒花異卉誰能識
後來繼述有雲仍况
君伯仲兼才名千金不惜買
歌笑栽花種竹長留情
厭聽鶉聲春漸老把酒看花
花正好祇恐春光不肯
留人生行樂應須早酒酣公
子還高歌相逢不飲將
如何何妨共醉金叵羅一
笑塵世空奔波

爲一軒題墨菊

黃子澄

急雨過幽徑黃花滿地秋
江南那有此風景在黃州
萬木總秋容幽花照遠空
一從陶令賞千載挹清風
晚節已驚世清香更可人
儘從霜露重朶朶自回春

九重行

黃子澄

九重赫斯怒詔平灤河源
虎賁六十萬龍驤蔽幽藩
一旦失節制空使廟堂寃
無論感激士是非日夜喧
孤臣謫水國携稚學灌園
聖明本無意執政紀法存
料死不料敵啣怨不啣恩
何能長安道犯顏回至尊
有夢不能通晨起沐朝暎
飛魂逐楚岫揮淚灑吳門

李景隆師敗

黃子澄

仗劍曾登大將壇
貂裘遠賜朔風寒
出師無律真兒戲
負國全身獨汝安
論將每時悲趙括
攘彘何日見

齊桓尙方有劍憑誰借哭向蒼天幾墮冠

過分宜望鈐岡廟

王守仁

共傳峯頂樹古廟有靈神楚俗多尊鬼巫言解惑人
望裡存舊典捍禦及斯民世事渾如此題詩感慨新

謁鈐岡寺

王守仁

古廟香燈已有年增修還費大官錢至今楚地多風
雨猶道山神駕鐵船

鈐岡書院

邵寶

堂成未落奈行何却喜年來復此過地僻儘容徐孺
榻山深堪唱武夷歌鳥聲似領春風淺草色應霑夜

雨多讀罷新碑放舟公鈐岡雲盡秀江波

狀元里

曾棨

當日瓊林第一仙文章事業照遺編故鄉尙有流風
在千古斯文慕昔賢

源澗泉

李時勉

青山對幽戶陰嵌啓危壁涓涓細泉湧冷冷落巖石
淙流縈澗遠澄光澹空碧誰言一勺間終隱蛟龍跡

白雲峯邑令祠

謝利貞

昔賢尙遺治此地祠基古啼鳥破蒼烟棠陰過初雨
澤深蕃嗣續時祭羅樽俎還似武城時絃歌遍閭里

坐鈴岡得翠樓

彭大科

雲峯不可躋，邈迤凌空碧。梯磴臨丹崖，巉崑履危石。
棧樹朱絲懸，連岡鳥道窄。俯視滄溟翻，仰攀北斗側。
凌空振羽翰，飄飄豁胸臆。我欲駕長虹，傍雲扣元極。
昌峽烟火迷，洪陽礪道隔。吾意竟何如，臨風傍奎壁。

雪霽登鈴山

嚴嵩

千峰積瑤素，寰宇映空明。仙人好赤腳，獨躡層冰行。
疊石疑瓊島，高樓思玉京。勁風仍振木，朗月已輝城。

雪後鈴山寄友

嚴嵩

江山日日吹北風，茅屋擁被臥如弓。楚鄉物色是燕

北，晴雪樓臺似畫中。病骨總緣詩思瘦，屏居長與歲
年窮。毳裘貂帽憶京國，珮馬朝天過苑東。

鈴岡對雨

嚴嵩

白露溷巖扉，迴颺吹客衣。萬松鳴雨急，孤閣到人稀。
眺迥迷前浦，憑高失翠微。惜春今已晚，虛負採山薇。

鈴岡秋集

嚴嵩

鈴岡高樓足大觀，况逢晴日倚欄杆。竹林啼鳥關幽
事，石磴松風生晝寒。病身自喜逢秋健，携酒聊尋盡
日歡。萬事浮生空役役，擬從仙客坐蒲團。

鈴岡寄傅御史

嚴嵩

素琴遠抱有餘清
草閣孤峰眼共明
黃菊殘逢詞客
病綠樽今對故人
情留君少作山中
客念我虛題榜
上名信有膏盲在
泉石十年從宦竟
無成

鐘山夜眺

嚴嵩

可憐春岬飛鷗鳥
又見春山長薜蘿
峰勢插江谿路
小峽門橫石水聲
多平沙覓句看雲
立極浦廻舟載
酒過見說此溪多
釣伴月明來聽扣
船歌

昌山峽

嚴嵩

霽曉渡昌峽花山
烟霧開中流萬石
闕隔水一舟來
祠古還依障林幽
忽放梅故鄉知信
美臨眺轉徘徊

東溪清泛

嚴嵩

鍾峽出秀浦碧潭
無限清日浮江色
動舟蹴浪花輕
磻石思垂釣滄浪
愛濯纓沿洄意未
極川暝月華明

憶鈐山寄溪亭明府

嚴嵩

小逕升堂綠檜長
翠屏終日對鈐岡
邱園物色閒閒
在朝市風塵事事
忙尚憶琴尊同笑
語最憐風雨發
舟航朝來馬上同
鄉使爲寄新詩當
八行

洪陽洞

嚴嵩

二仙何代隱巖阿
澗綠山青長薜蘿
塵世總經桑海
變丹邱長占水雲
多天台到擬逢桃
實石室歸疑爛

斧柯思向此中尋靜侶因牽俗累欲如何

洞靈觀

嚴嵩

玉女已仙去仙邱尚此中龍吟山洞雨雞舞石潭風
異代流傳久浮生夢覺同還尋煉丹處雲水夕陽空

九仙宮

嚴嵩

鶴馭鸞驂去不遺千年遺跡在人間應隨絳節朝金
闕尚隱丹爐閉竹關福地烟霞元不改洞宮雲水自
長閒無因得問長生訣乞取刀圭一駐顏

寓靜安寺書壁

嚴嵩

山城下馬對寒松古寺重門一徑中林靜已知巢鳥

定月明初覺梵堂空驚傳警鐸敲殘夢愛聽絃歌振
古風卻歎此身渾似寄萍蹤明日又西東

鈴岡養疴贈相士

嚴嵩

掃榻雲林白晝眠行藏於我固悠然原無蔡澤輕肥
念不向唐生更問年

嚴少師謝政還里追送淞陵

皇甫汈

明時扈聖廿年餘始得銜恩謝直廬秀水池臺非舊
築鈴岡花徑是新除縣家歲給山公粟門巷高懸薛
氏車舟泊吳江秋乍冷野人聊為獻鱸魚

登鈴山

趙錦

爐烟浮觀闕山烝接氤氳碧落笙簧奏白雲雞犬聞
野吟當麗景同眺得仙羣不用東山妓酣歌送夕曛

訪彭編修居鍾山菴

趙錦

桑樹蒼蒼與榻連鍾山深隱玉堂仙燒丹石竈存宵
火煮茗松庭散曉烟醉裏靜眠幽澗草渴時清飲碧
山泉依然不倦詞林業午夜青藜理舊編

鈴麓

趙濂

鈴麓頗幽勝新晴景益饒雲霞輝岫閣草樹暗溪橋
竹塢風泉響松林霧縠飄相逢皓首者跌坐話漁樵

過鈴麓書院有感

趙濂

元豹當年隱霧深卧龍旋起作甘霖文章一代欽山
斗題贈羣公比玉琛伐桂為薪能勿恹操戈入室竟
何心海桑一任他更變千古鈴山自翠岑

登定心臺

趙濂

蘿逕夤緣上三山信可通磬笙黃葉裏雞犬白雲中
神已歸蓬圓跡猶著武功不知御風日曾否返茲宮

鐘山峽

趙濂

秦鐘不復人間物金鎖空傳上釣綸永嘉元年前有大鐘墜此銘秦時
所造故名後漁人釣得金鎖百尺見志危石激濤翻白雪亂峰擁黛入
青旻漁人率罟蛟龍側樵子常薪虎豹鄰春水漲來

添險絕客舟過此重逡巡

同少尹遊洪陽洞

趙濂

七峯西望青霞飛洪陽洞口瑤草肥葛婁久已冷丹
竈巖壑于今空翠微別是一天藏小有却疑三島在
郊圻青鞋布襪隨登眺野况閒情誰是非

答李自得遊鈴岡

嚴堯日

同心常與上方期鈴岫松高日影遲石磴乍經驢客
况晴雲都向彩毫披蕭疎竹韻真迎嘯寂歷山禽總
聽詞自笑北山今已負風流陶令是吾師

蟠龍山

嚴堯日

羊腸歷盡見龍湫澗道窮源得廣疇古寺因緣餘礎
在高僧名行一燈留溪山到此天疑盡石磴環來景
自幽更逐白雲歸大仰烟霞迷望隔丹邱

謁韓文公祠

嚴堯日

誰信東流去不回公時原道已堪哀龍門自有千尋
柱瘴海何妨百折摧春到芳原皆錦錯秋空落木見
崔嵬憑欄極目江天外疑是當年霽色開

仰止亭

袁業泗

雅意乘清旭曠望豁心目媿我馬牛身躡此蛟龍躅
撥雲靈轍在掃石豐碑讀高山徒自仰景行未能續

卓泉亭

何年卓篙去遺井猶然冽影落松間雲光映巖端月
澹澹吐瓊花湛湛漱寒雪滄浪吾有咏此地真清絕
漱石亭

峭壁控清泚幽人衆峰裏澄澄且濯纓鑿鑿堪礪齒
波淨江如練霞明石似綺坐嘯欲忘言怡然懷往址
撫松亭

亭高綠四野迴風危湍瀉極目遠天際盤桓長松下
翠色挂蒼龍濤聲嘶萬馬覺來爽氣襲誰是真白者

張衣亭

高尋石頂去千仞亭亭許孤鶴橫江過五老排空語
掌上列星辰肘後與雲雨振衣聊躑躅白日生翰羽
傍雲亭

磴緣鳥道外欣心高世出隻手摩青穹雙屐踏紅日
飄飄凌雲起泠泠御風疾下觀車馬徒終悲塵世失
得翠樓

翠幙靄蒼蒼儼此清都宴山山芙蓉媚烏烏宮商變
桃杏醉我目雲烟覲人面橫跨中天上茲景詎能選
清風閣

危閣倚層巔檻外清虛白天風吹萬里爽籟生兩翮

有懷虞廷奏無羨蘭臺適坐卧北牕下吟歸明月夕

謁黃太常祠

袁業泗

六駕飛龍渡水濱孤忠獨往不謀身亦知犬馬懷恩
舊誰謂夷齊慕義貞一片肝腸紅日映千秋俎豆太
常新古來政要貞觀美王魏何如得比鄰

訪李明府因遊鈴岡

李日宣

仙郎杳靄寄霞栖我欲從之駕羽霓星海一橫簷際
落虹橋半鎖檻中迷江城歷歷搖晴樹山縣岑岑隱
碧溪遙指河陽花影裏有人昂首倚窻西

石溪晚釣

林慈

西日下嶺帆東遊釣碧灣湍流千里急風裏一絲閒
意適濠梁上心懷渭水間得魚非所欲乘月櫂歌還

葛仙壇

簡繼芳

苔磴強躋扳齋居太乙壇雲深疑作雨山靜故生寒
白石僧能煮黃精客可滄長生如有術吾欲訪劉安

洪陽洞

葛焜

仙人羽化跡猶新幾見滄桑度劫塵谷有雲霞長蔽
日村無雞犬絕相鄰神奇幻出難題品圖畫傳來未
逼真瑤草石田何處覓桃花流水謾疑津

西竺菴

李簡

到來清淨地便自得禪心戶列峯巒秀壑垂竹樹陰
佛光浮月色魚響雜禽音喜接廬山趣還將惠遠尋
遊洪陽洞至半而返

張銓

贈曲江沈先生

彭鳳

邑小稱多彥經殘賴有師太常能遂志元老正匡時
山擁橫經案江分洗墨池講堂今茂草當見作興期
九日諸君宴鈴山不及赴

彭鳳

九月九日振衣亭千峯萬壑秋氣清舉杯遙認隔林
影打帽時疑落木聲已辨黃花供客笑便磨蒼蘚紀
翁名布衣入宴成虛約想見羣仙列翠屏

偕友人遊洪陽洞

彭鳳

石洞仙成古山晴予始臨川雲溼游屐引袖破嵐陰
高流響聲瘦靈巖翠靄深幾年虛故事措蘓寫詩新
洪陽洞

鄒守益

老癖尋真歲幾回吹藜又訪葛萋來洞庭罔象穿波
出月窟瑤瓊冒雪開泉浸芝田真可種雲封蝌蚪不
生苔酒闌共話長生訣失笑牛山浪自哀

洪陽洞

李香

塵世仙蹤謾渺茫，洞天咫尺有洪陽。
墨遺崖蘚猶堪辨，綵疊烟霞不費粧。
柱石憑虛容短杖，乳泉飛瀑濺清觴。
武陵歸路桃花香，賸有丹楓千樹霜。

洪陽洞

李元弼

步入洪陽古洞天，公餘躡屐興翩翩。
烟嵐縹緲迷孤鶴，巖壑蜿蜒隱二仙。
晝靜松風傳萬籟，春深瑤草自千年。
何時得逐餐霞侶，閒借雲崖石榻眠。

洪陽洞

丁繼嗣

洞古雲深鎖碧苔，天風御我入蓬萊。
筍懸片玉擎空立，柳拂千條趁石栽。
興劇不嫌穿曲磴，醉餘猶自上平臺。
回頭試問留題處，誰道餐霞客又來。

洪陽洞

徐之孟

策馬歸途訪二仙，追游今日縱探元。
十三景界分靈谷，千億神奇總洞天。
雨歇空山銷暑盡，風吟高翠放懷偏。
問天欲駐斜陽路，耐可前村已暮烟。

謁黃太常祠

周應治

先朝釋褐侍東宮，蹇蹇常思竭匪躬。
湯武一朝伸大義，夷齊千載效孤忠。
貞標自不磨青史，正氣猶能貫白虹。
卻怪江河趨漸遠，獨留砥柱障頽風。

登瀛橋

周述

橋邊雁語初橋下江聲咽露滴碧荷秋吟殘半天月

登瀛橋

袁廷瞻

綠樹陰陰覆曲欄江虹垂影落江干過江只恐分秋色幾度吟成又復還

登瀛橋

趙濟

學士歸來志未休虹橋高架步瀛州水從碧玉環中度人向蒼龍背上遊鷗鳥忘機隨旦暮魚龍變化自春秋只今訪古成豪興好似相如寫柱頭

題寶雲寺圖

李雲

步雲橋上寶雲峯殿閣飛甍接太空記得讀書來往

處風光渾似畫圖中

送分宜宰張文信赴京

梁寅

楚臺宜北望楚峽解東流三年報能政千里發孤舟
鶴迴雲中度鳧從日下遊皇風翔寓縣仙路上瀛洲
烈烈蕭曹業班班卓魯儔山城期再理帝里莫淹留
不厭銅章久寧分赤子憂他年九卿缺定降璽書求

步前韻

梁岷

舒君射策黃金墀匹馬還從山邑來閭里不忘朱邑
治湖陂重喜白公開獨憐廢署開黃葉誰向荒畦墾
綠苔猶憶鄱陽韓太守曾將桑柘繞庭栽

韓鏞爲饒郡太守署

內花木悉拔
去植以桑麻

賦梅耀進士

梅耀歐陽
化龍號

歐陽貞

有美人兮冰雪姿稜層詩骨兩相宜與梅共結歲寒
友瘦比孤山第一枝

爲一軒續題

歐陽貞

十載追隨鴛鴦班九重宮闕拜龍顏歸來却似香山
老吟弄寒流入節灘

鈴山贈熊茂初太史

徐桂

清秋雲岫倍相鮮選勝攜壺此地偏却怪江流翻樹
杪祇忻山色到尊前星分斗牛雙龍劍雨別岷峨萬

里天莫謂此宵離別易松風蘿月更堪憐

贈彭水部

吳山

羨君今作治河使却憶扁舟共濟時寒夜客牕頻對
酒中流擊楫並吟詩風塵擾擾原無定松柏蒼蒼久
自知結綬彈冠猶可度青山綠水更相期

登鈴喜雨次韻送淳濱先生歸秣陵

趙伯冠

高岡臺榭俯羣山石磴穿松意自閑絕壁烟雲吹黛
色半巖風雨洗蒼顏幽香風動采恩外虛谷寒生枕
簾間避暑真成河朔會秣陵無那送君還

訪宋淑中比部飲卓泉亭

趙炳旭

亭迥春偏媚
牕開午乍晴
似將簪紱意
都付薜蘿情
玉韞山光潤
風歸鵬翮輕
問禪遙就榻
竟日坐希聲
仙臺假寐
趙炳旭
峭壁孤雲做翠屏
微風殿角散幽馨
石牀棲定華胥夢
滿樹流鶯啼不醒

聞再生先生遷南太常卿書懷寄呈

黃淳耀

昔公李吾吳
我首未弁冕
雕蟲出試席
公見爲一莞
謂此龍之媒
可使受羈剪
我時先其儔
色喜心內報

文章足波瀾
經史異關鍵
修途恐跌蹶
欲到須重繭
退復自思惟
公言敢不勉
况今科目文
堂奧甚蹇淺
丹雘變空質
青紫堪立蹇
蹉跎遂錯料
捫足無可掬
踏事防觸蠱
閉門學卷繡
一鬼笑一休
三年涕常泣
念彼荷屐者
丁年備菟獮
致果敵玉楹
足使微分踐
不然農舂者
春竭力事馴
畎田毛供粢
盛亦免顏狀
靦嗟我敦詩書
所得較彼鮮
邪徑羞偏側
古道守蹉跎
奉檄者何人
心焉痛如割
側聞公南來
車牛已加轡
終如被凍蠅
奮翅隔門限
仰視滄浪天
飛鴻落我眼
再拜寄一言
心勞未能展

過分宜太常黃子澄祠呈嚴尹 王素節

國統遭離合公推正氣全身終洪武後心在建文先
大義孤懸日精忠曉顧天分宜祠一壘今古播青編

寄呈分宜侍御嚴志印先生 關岸仙

當年驄馬避桓公冰鏡收予置藥籠林下孤忠蟠尺
蕪囊餘諫草射長虹每思浣水依嚴武還憶梅花隱
放翁我學香山門下士祝言爭效致郵筒 偶爾抽
簪似避賢霜雪不上柏松巔看山何必攜筇杖娛老
猶知戀簡編菊水泉甘盈九月麻源酒熟醉千年鈴
岡鶴髮開顏處歲歲含飴繞竹邊

皇清

登鈴岡 施閏章

行役且登臨長橋倚碧岑問泉尋舊井策馬歇高林
城郭江雲合亭臺野蔓深數株松樹古已受斧斤侵

過桑棗舖 施閏章

路僻名偏好幽懷動行客磽壤少桑林陰崖疊雲石
窈窕山雞啼淒迷礪草積人家隔數峯何處尋陳蹟

自分宜至安福道中 施閏章

山腰通石磴人影入青蒼高隴分田細回峯劃水長
問炊迷野店飲馬歇村庄遊賞撥鄉思餘春殊未央

曉過洪陽洞

施閏章

宿霧暗未收曉月照蒼翠謝公急游賞冥搜穿薜荔
石洞炯空明入室破茫昧物象多髣髴滴溜灑衣袂
清且歷巖壑得飽朝爽氣丹灶竟何存山花紅委地
分宜夜泊
施閏章
橫江石鬪亂流通夕照漁舟冉冉紅渡口婆娑看不
盡寒江深寺綠陰中

昌峽

湯斯祚

陽侯積磊塊吞巖哽不下亂石扼昌山晴空雷雨訛
隋厲辟魚龍十里聲憚嚇怒如駭鯨張惺如離虎跨

頽如天柱傾輓如鐵輪呀或卓或復蹠或躲或復迓
水石不肯降決勝何時罷八陣笑重圍生門爭脫卸
扁舟怒螳螂奮臂當車駕急溜久相持孤軍幾退舍
入坎險且枕左顧右不暇一髮隔人魚安危神力藉
始信刑牲時舉念非虛假落日暮雲平炊烟起桑柘
計最爾長年酒聽滿壺瀉

鍾山洪

湯斯祚

秀江三百里百折穿疊嶂淪水下承流鍾山重扼吭
迴帆臨大幽局開勢阻擋峽影根塵無蛟龍深蟄藏
白日晝沉沉陰風透慘壯幽鳥作春聲篙人卜夜漲

石壁苔蘚文彷彿秦漢上傳聞永嘉鐘雨後流泱泱
又聞驅山鐸舉之川岳盪神物效地靈此理寧謫誑
他年探古來載筆還策杖續譜金石志一賦鼎彝狀

遊洪陽洞長歌

鄔鳴雷

昔余刺建武郡有麻姑跡官間興到卽攀躋四載盤
桓意頗適對客常誇靈境稀宇內何山更足擬今隨
直指訪洪陽始知造化之秘獨有斯洞奇鬼怪神工
曷可紀山腰半广甫容車入門宏廠如棟宇石牀丹
灶宛獨存峭壁巖巖列屏扆迴迴容坐百十人日月
高懸蔽風雨左折而旋二洞幽陰森爽颯同高秋光

明不到處異態紛相糾置足已躡龜牽車更慄颯把
炬四照意豁然此身非復人間遊五雲縹緲奇峯矗
半鐘鑄就青銅色中有乾坤一柱峯卓地撐巖光奕
奕三洞於中最廣平雲流霞爛氣鬱蒸石筍嶙嶙半
嶺籜石磨團圍似琢成轉入四洞狀尤殊石上僧伽
坐晏如面前一壁似圓光有人拱立壽光傍石獅猊
猊儼然踞石風翩韞勢欲翔五洞晶瑩類雪堂螭螺
海錯銀粉粧石磬雲窩孰鼓鑄南田北土誰理疆從
此中分有岐路西有六洞東洞五幻物多般總逼真
詭形迭出那可數有石不雨傘高張有石無聲鐘在

懸有石光淨垂渾儀有石欹傾似醉仙有石聚散布
羣雞有石昂藏立孤鶴麟馳馬驟各騰驤燕舞龍蟠
恣飛躍沙洲一帶望中新浪花千疊縹風紋垂垂柳
葉絲如織歷歷蓮房子可分飽帆欲捲風初息石乳
淋漓斷還續繡幙珠簾間朱紫金井玉欄新發篔有
時穹宇正亭亭一竅通天漏晴碧扶攜登眺烟燎中
恍疑夢境相遭逢每從石罅徑過遊輒請息側身獨
先嘗豁達興轉劇尚餘一竇啓西隅久絕行蹤足難
舉終然有隙可追尋七十二洞非虛語廻旋兩脚頗
速遶動魄驚魂豈辭倦肩摩手捫玩不窮四壁搜求
恐未遍昂首大叫屢發狂山靈答響如相繼却還初
洞開遊席揮汗趨時定喘息石牀盤躡幻奇蹤一過
猶疑難盡意未愁續勝阻漁郎自笑窮源慚謝客五
峯似老只崑嶠雙瀑如龍亦常格非緣御李躡榮光
誰復餐芝盪胸臆恰逢春色到巖阿取次和風動蘿
薜肩輿下麓幾回頭洞口行雲莽相通

鈴岡登眺

蔡文鸞

曲徑盤桓上崔巍霧靄中南臨翠嶂疊北望碧天空
淺水流輕帶長橋駕彩虹數楹餘古殿頽落任飄風

陪副使瑞侯王公遊洪陽洞

蔡文鸞

荒麓無嘉卉壺天內別開龜蛇翻石燕鐘鼓傍蓮臺
北土懸岩落南田曲水隈來陪翠幃過不是避秦回

觀落星湖

蔡文鸞

二月快南薰泉聲馬首聞菜花黃弄影麥穗秀催紋
風靜魚噴日波鳴鳥啄雲何年天墜宿留得水田分

佛日謁水南寺大雨

蔡文鸞

天雨甘霖知浴佛地生苦菜待餐儒書齋寂寞禪關
冷一瓣心香自問吾

喜雨

蔡文鸞

計自三伏候爲時亦旣長四望雲不見使我心傍徨
傷彼坵中穗泥手呼黃蒼日月忽改道由箕入畢鄉
元冥捧玉綸翩然馳大荒土骨皆回潤天心終不忘
深慚待罪吏何以堪鴻章三復諸君詠龐比與琳琅

署中偶感

蔡文鸞

作吏皆言苦親嘗信不訛到官纔兩載闕事已千磨
雖習折腰慣其如掣肘何回思蔬水日欲哭漫爲歌

上真觀

蔡文鸞

路轉山根草四圍石橋斜渡釣魚磯地臨春水鴻鳴
近樹帶朝陽鵲影稀道院霧沉疑虎伏禪堂磬響識
僧歸行遊到此情無極一片浮雲晃客衣

和邑侯蔡公祈雨

張夢太

斗室連旬暑氣盈更餘六月坐炎城已看載道雲霓
望幾負三農隴畝耕天與甘霖歌德裕民沾善政頌
眞卿舉盃相慶催佳句敲落金梧一葉輕

九日登鈴山

張夢太

風剪疎林衆鳥哀山光欲紫露崔巍漫携筇杖追登
眺斜倚松亭俯溯洄搔首驚逢青女降駐顏偏藉白
衣來應知此景難多得且盡茱萸手裏杯

和邑侯蔡公祈雨

嚴開禱

亢陽連日問君平愁聽惶惶禱雨聲旱魃有心來作
虐商霖何意卻爲情全憑惠政回天力不待承恩噴
酒成一葉吟秋秋可望從茲閭里夜無驚

和祈雨

嚴開禱

天公定數別虛盈善政能回九五情炎涼未消侵肺
腑甘霖立沛溢蓬瀛當年袁郡祥雲表此日鈴陽喜
雨名轉望四郊青極目不期窗外有秋聲

和祈雨

嚴于修

赫赫驕陽若火明衆心如剪遍山城非逢德政化爲
雨安得蒸民樂有生點點催詩侵薄爽蕭蕭入夢解
初醒停盃欲寫迎秋句不覺秋來信手成

春日遊洪陽洞

張夢太

鶯聲出谷幽霽色便春遊勝槩開天地仙蹤任去留
丹砂原不外石鼎欲何求廿載舊題在年華過眼浮

九日登鈴山

嚴開禧

邃室愁聽萬壑哀偶然逐隊上崔巍撫松憑吊山城
小倚石俄驚峽水洄一笛金風吹帽落半樽黃酒送
香來醉餘復憶南樓約猶向隣翁問菊杯

春日遊洪陽洞

嚴開禧

仙踪千古幽駐馬洞天遊鳥語喧晴出花香染袖留
蓬萊誰識盡題詠漫徵求遍覽窮何極乾坤物外浮

九日遊小平山

嚴開禧

小平秋色淡登眺興還賒松動風中籟僧斟石上茶
人間饒菊酒此地足烟霞莫道歸來晚前村日未斜

讀明黃大常墓誌銘感賦

林有彬

乙酉秋余從蘇買舟游海上夜過崑山以未得
一拜黃忠愨公墓爲恨抵南匯廣文顧君惇量
出示崑山邑乘中有侍郎劉公璉所撰墓表卽
萬歷間雷揭出地中碑文也誌內述文皇親鞫
時誘屈百端公抗辭質直至斷手足無異詞見
危授命大節攸關而郡邑志所載原銘削此不

錄明史本傳亦闕載豈當年恐觸時忌故節其文耶輒流連灑涕而著於篇

西宮火熾孺子死叔父乃居王之宮削與不削等反耳龍潭之盟奚由終先生臨刑禍獨慘戚族連坐根株空四百十人戌且死日光黯黯雲靈露羅織網密踪跡變軼事誰與留寰中洪熙侍郎劉公筆鐫之大石埋坵壠初公就縛致闕下親鞫不屈真英雄盜竊神器亂世事經史柔翰將奚庸魏徵趙普非所願恨不早削羅殘凶書罪猶存春秋筆堂堂方鐵殊從容肝腦摧裂手足斷高皇可報扞以忠踰險難礙見故

主君臣地下相追從公子夜半負骸骨浮江潛匿焦山礮高煦之變禁稍弛輾轉乃歸崑之隆馬鞍山捫固窀穸藏銘那復尋潛踪越二百年經萬歷蔣乾爭奪連黃熊申侯鞠勘臨其穴地中雷吼聲砰訐青氣一縷出西北蜿蜒直上如游龍劃然土裂成潭洞浮提翁仲心忪忪山嘯海沸神呵護此碣乃與人間通靈光不滅貫星日如勒寶鼎鐫鐘鏞上之大史奏天子煌煌祀典千年崇彬也與公同閭里徒有弔古心神忡懼舟午夜過崑麓恨不酌酒澆龍菴鶴灘廣文號博雅慷慨追述炯雙瞳一緘封固寄示我臨風雒

誦摩心胸重之不滅古今石精魂大筆彌蒼穹史書
闕畧傳聞異斯文有據開贖輦願書萬本告桑梓千
秋奕禩傳無窮

次林雅成讀劉侍郎謨黃忠愨墓誌有感作歌

元韻

趙 祓

侍郎秉筆硬如鐵敘事恍接天寶宮何年崑山一片
石鬱靈埋烈不長終當初大常擬文山義在君臣諸
藩空天高日耀國有主肯容雲曠與靈靈乞誅不誅
將軍李忠憤慷慨密詔中國難方將仗孤劍險冒關
河梯邱隴湯華大倉匹夫耳縛虎有力困英雄丈夫

矢死惡足惜回天力絕嗟無庸不殺叔父仁亦得燄
熾宮費何殘凶神器莫保柔翰力斷手割足殊從容
趙魏作達一家物建文鴻號詎無忠天涯何處孺子
王可憐碧血臣心從一時四百有十人十族株連拖
長纜寒雲黯慘冤鬼哭秦淮東逝鍾阜隆能作蘇言
便蘇人天憐孤子俾潛踪艱險歷盡藏遺骨大節貞
珉紀黃熊高煦信見尤而效公死公言如撾辭國定
幾人難磨滅子澄子寧念袞龍何物蔣乾干正氣當
官裂地人心忪氣粗聲大誰爲爾或使莫爲疑未通
潭見石屹字龍蛇大書深刻比鐘鏞事跡駭異聞天

子故基沒官轉祀崇世否應無諛墓金鴻篇載讀憂
有仲英肝義胆豈方鐵只今猶想馬鞍從史傳不詳
舊志闕見所未見豁心胸世人自殺天自眷靈碑呵
護仰元穹長歌紀事少陵筆紛紛野史開其聳禿毫
屬和更多感幾向蒼天意未窮

表忠祠

趙祓

祠廟當年似劫灰離離禾黍共遲徊建文往事存忠
烈正史新編仰

聖裁公論兒童知節愍貞魂墳墓動風雷溪毛蒨地間中
過彷彿靈旂閃閃來

昌山道中口占

張世竣

驢背容人飽看山洪陽咫尺白雲間東風一路歸鞭
杳吹送詩思任往還

登占星閣

閣有侍郎公
瞻帖匾額

張世竣

吧帖瞻無極其如逝者何飛鷗時往復宿柳自森羅
返照孤帆影迴峯遠岸波亂流依野渡回首起長歌

清門懷舊

張世竣

重到清門日霜天木落時蒼松依舊主翠竹感新知
遙想同人醉閒吟解事詩嶙峋江上石晚釣有誰期

碧雲菴

宋式燕

信步臨高處雲崑各見招遊人何草草秋色正蕭蕭
鳥沒荒烟合風悲古木凋相看渾不厭忘却僧寮

登秀溪臺

宋式燕

許國當年矢此身閣門迴首幾傷神深文大抵規成
壞相士終須別質真天意有歸難割地智囊無補已
安仁山川爲繫興亡恨葉落閒臺月弔人

武靈峯

楊宏綱

武靈峯寺面重峯眼底全收萬嶺松四起寒烟迷野
徑一聲清磬響天中

慈雲寺

李一騶

曲徑尋源入洞天慈雲飛下玉池蓮石巖班駁蒼苔口
冷馴虎啣花卧紫烟

春初登高林庵次壁間韻

林鳴鴻

春來乘興漫扶筇曲徑幽源次第通清磬一聲高澗
落香臺猶自隱中峯 僊姿無復見天臺劉阮何須
今又來怪得多情留憇處空餘桃李爲君開

三疏行贈嚴曉亭侍御

吳曹直

立仗馬不鳴肅肅班崢嶸天閑定非駑駘質飽戀棧
豆暗無聲鳳啣朝旭金闕曉亭翔化宇祥光生太平
天子四聰達雲卿星景臺西明鈐岡侍御肝是鐵鐵筆凝

寒映霜雪上言四務書三篇篇篇忠愛心如愒急遞
廢置并採銅市魁居奇肘苦掣吳中繁賦襲昭代竊
恐東南民力竭

至尊覽奏首領之章下尚書咨所司所司言人人各異強
半握算權倍蕪廟堂經費額有常損上益下豈至計
君不見宏羊卜式漢名臣胡爲乎迂談謀國獨吾人
但知民生休戚係國脈侃侃諤諤丹悃陳陛下

聖明宵旰切如傷隱念振觸頻事雖良久格庭議議論慷
慨留

楓宸百執具官工諾諾端公正氣橫秋塵人謂先生真
御史言或更有進於是吾聞善則歸君蓋臣誼特立
敢言莫揣美分所當言言止此

贈嚴曉亭侍御

管 掄

嚴公三疏陳明光鳳飛翹羽鳴朝陽一時間者咸嘖
嘖君有盛德臣則良三疏者何我敬錄採銅買馬弊
多蓄最重一疏在蘇松前朝賦重重困農溯厥原由
自賈相公田派買租倍償後來明祖懲守吳遂徵正
賦稽租賧洪宣以後周况因賦重每每爲疏陳吳賦
藉以得稍減惠吾民者西江人嚴公具疏敬入奏濟
則膏澤自我

后稽厥吳賦溯本源啓心沃心意良厚我

朝聖澤邁唐虞赦免恒以百萬俱吳民之困日厘慮不待疏告方賜租獨是諫臣職言位嘉謀嘉猷入告內條陳國計與民生所持者要所見大嗚呼西江人傑敬可瞻前有周况後有嚴

聖主霽顏賜清問名臣奏疏其何謙先生幸際明良日臯夔廢拜颺言述出傳萬口聲琅琅入載國史臣工筆大書庚子春載陽

天子萬壽開明堂

讀嚴侍御陳減蘇松浮糧疏

陳世倅

江蘇財賦天下藪殫膏竭脂由來久作備秋壑置公田租歸皇室窮升斗張吳竊據郊多壘獻田拜爵供庚癸更多橫派及民田逋逃徧野室罄懸明祖受命懲堅守租賦不減仍前厚暮年更藉諸富室皇庄相望連阡陌公田民田錯雜徵歲久紊亂冊難分貧吏乘機恣墨汙民田悉徵官田租相沿百載困已極周况陳疏貫金石哀半量減紆一時車薪杯水尚莫支爾後寂寂二百年章疏寥落如秋蟬潛菴有志尚未逮餘子紛紛奚足賴忽聞鸞鳳鳴高岡繪圖具奏排闥間

天子動容百辟悚傳寫紙價貴洛陽我

皇仁聖超千古賑獨千萬難計數會有殊恩拯此方恩出
異數非尋常浮糧減盡復舊制指日可卜翹首俟賈
相流毒歷明元物極則反誠矣言西江前後三君子
大奏皇皇鼎足峙寄語蘇民勿徬徨

聖主日夜中心藏他時殊澤徧窮檐無忘福始周况嚴

題歐陽透峯遺像

方苞

異彩斑斕織錦袍五花

寵詔國恩高從知丹穴源流遠雲路盤旋有鳳毛 見說

鴻生植厚基名山著述老經師畫中省識春風坐睇

想芸編授業時

貞松篇爲歐陽母宋氏作

歐堪善

鬱鬱孤崖松磊砢挺奇節喬柯冉冉初拂雲偏耐凌

寒歷冰雪春來桃李分青紅含烟帶旭光龍蔥貞姿

不屑競妍冶落落自表林下風高風自昔傳林下陶

女悲鳴黃鵠寡可憐幾葉倩青門竟悲孀婦支顛厦

憶昔鈴陽烽火驚奸徒潰野干戈橫義士狗身惟有

死書生忍死豈求生綠鬢竊擬效齊眉詎奈北風一

夜吹大地維傾君已矣重泉路渺奚生爲一片青筠

色點斑數行血淚暗中滂人無杵臼孤安托身視曹

娥事倍艱從來死易立孤難婦節原同臣節看以母
兼師教養備孤幸成立家室完天道常如屈伸肘苦
節之門宜有後卓哉大母志行堅節並松貞常不朽
深巖大壑起長風孫枝一一蛟龍吼

歐陽從姑氏

嚴思濬

三春風色上愁顏二十年來人未還欲陟高岡愁我

馬雲峯端作望夫山

白雲峯山名

破鏡何時許再圓藁砧

一去幾經年南鴻北燕無消息虛費香閨買卜錢

堂上椿萱有老親白頭同念未歸人爲郎甘旨爲郎
奉寸草心乖愛日春 行役頻年感草蟲懷人心緒

自忖忖木蘭女子生何晚難向黑山山下逢 黃鶴

年來慣獨飛那知雲路故相違如今薄命同秋葉葉
落辭枝不再歸

閔城君廟尋盧子發碑

嚴思濬

橫江石怒鬪雷霆山川天險神所憑急峽奔流直到
海迴風一過蛟涎腥羸頭劉蹶幾興壞閔城君廟歸
然在有唐片石垂千年淋漓大筆爭光怪傳聞龍伯
墮地時蜿蜒就媪如嬰兒一日騰空生變化出幽入
冥無不爲漲海孤厓雲氣白何年婺母降幽宅條移
覆屋古山巔一夜鞭驅牛馬力雷奔電掣助鳴吼靜

斂神功寂無有有時變幻逐虺蜴龍叔龍季紛隨後
自古神仙說謬悠參龍有氏流傳久豈知異物自有
神亦託文章同不朽我來再拜媪龍祠摩挲更讀盧
公碑孝思所感天人格况是神龍相護持雲髮霧鬢
靈容與慈烏啞啞啄江樹回首一望失昌山醜酒臨
江出峽去

分宜夜泊

吳清岱

薄暮雨瀟瀟輕舟纜柳條市荒人語細夜靜柝聲高
日月催雙鬢風雲媿二毛因思故相業猶有萬年橋

昌山峽

吳清岱

昌山野渡白雲中高閣森森古樹叢兩岸溪聲喧晝
夜半天梵語落虛空人當瞑氣全消暑路接灣心自
轉蓬莫以一官悲鞅掌由來清夢在松風

分宜道中

笄重光

宜春臺下分宜路極目荒巖虎豹藏一道江流餘野
艇千家山郭付殘陽石橋謾說當年相鐵騎頻傳異
姓王我欲繪圖頻入告九重應有淚沾裳

鈴西菴

張嗣載

匝地青青繞翠蘿嵯峨凹裏一雲窩林空偏惹松聲
碎路曲還添竹影多好鳥歡從花外語暗泉淒向石

邊過塵襟到此全清滌間證禪心五十那

遊仙姑洞

袁芳杏

西河小渡問仙鄉不信桃源路渺茫黃鶴去時巖徑
寂白雲封處洞天涼疑攀瑤池王母果似乞麻姑玉
粒漿遊罷樵童歸引路爛柯山外帶斜陽

再登鈴岡過鈴西巷

喻全赤

爲愛風光好重來異昔遊淡雲迴複嶺新水翠平疇
花衆香難定山深春自幽肯因登陟倦勝蹟減真搜
步自西巖上招提竹樹隈捫蘿驚老瘦結宇絕浮
埃僧禮逢迎簡鶯聲斷續來前峯暫箕倨懷抱一時

開

登鈴步五里嶺抵鈴西寺

胡壽先

迢迢山遠岫雲通俯瞰江流萬壑同羣嶺南來青四
合孤城北峙碧連空春歸漠漠低村外花落深深古
寺中賴有老僧能解語一瓢笑傲綠楊風

初至萬年橋

胡壽先

萬年橋畔歇笙歌橋下風輕水不波霧霽千僊騎石
豹沙明一練帶銀河山城日晚寒光薄古寺鐘稀帆
影過爲道昔年興廢事滄江是處滿烟蘿

春日馬四尹喻同寅招遊洪陽洞不果柬示二

君

胡壽先

安仁坵壑總天成，惟有洪陽最得名。
每望三年瞻紫翠，何期十里隔蓬瀛。
雲深古洞尋仙躅，花遠遊人伴鶴行。
聞說葛妻多奇術，歸來遺我學長生。

重陽前五日偕張吳二友遊下界閣中俯臨芙蓉

蓉

胡壽先

登閣臨池望秋光照眼明，芙蓉開宜有色葉下悄無聲。
二水還茹屋三山起畫城，來遊同作客莫起故園情。

望鈴岡誌懷

王光烈

鈴岡體勢若龍眠，翠柏丹楓景自然。
薜荔叢深岐路窄，巖岈高處遠峯連。
斜陽暮捲千山雨，曉氣晴開萬戶烟。
却憶當年人去遠，惟君屹立拄雲天。

遊洪陽洞

王光烈

仙郎昔已透真元，月窟靈機豈偶然。
怪石嶙峋如虎踞，懸崖曲折若龍眠。
蓮房高出雲間翠，斗柄橫開洞裏天。
借問宦途名利客，丹成能濟幾何年。

花朝登鈴岡卽席間韻

王光烈

陽回萬物遍春光，百里山河錦樣粧。
雨過林巒添翠色，風來桃李送清香。
邨烟淡若黃金柳，淑氣初宜白練裳。
爲愛韶華無限意，紅塵怪逐馬蹄忙。

登仙女臺

嚴宗定

仙女從來不下山特穿山屐入烟鬟鏡臺攬照人千
古蓬鬢時梳月一彎羞作巫雲携雨至待題紅葉送
秋還指揮遠近峯巒列更乞天花點玉顏

九日登鈴山

嚴宗定

不須着屐亦登山尺五天高似可攀半壁松風隨我
過一岡嵐翠伴人間殘碑剔蘚留仙跡野逕拈花暢
醉顏道是萸房能卜歲相期挿髻逐雲還

寒坡洞

林鳴鶯

袁陽巖洞難僕數名著洪陽與石乳昔曾秉燭訪仙

跡混兮闢兮濬靈腑寒坡有洞志弗傳委之荒郊藏
野鼠我聞其勝擬崆峒拉伴同遊尋地主洞口光明
任坦行縱橫十丈如堂府講學談經遇紫陽何必鹿
洞成千古窅曲嵌空路路通焚膏灼草恣採取不數
洪陽八幅裙不數石乳鐘若鼓鏤金錯繡入寶山瓊
草瑤花集仙圃中有清泉湧地流尋源莫識沾漑溥
造化鍾靈地何偏謝公屐齒不到處我輩登臨亦偶
然斜陽迅速鳥息羽歸途眷戀有餘思安得此間消
溽暑

石陂朱允恭入忠孝鄉賢祠擬柏梁體一篇誌

盛

林鳴鶯

鈴南山勢何蜿蜒石陂流水聲涓涓儲精毓秀留眞
筌名臣孝子輝青編有明延祚三百年人文輻輳轂
摩肩公以韋素因寒毳早失所恃泣血漣有弟弱齡
撫且憐萱幃色養硯爲田仁孝友悌性由天青雲有
路窮益堅賓典屆分青錢午闡發跡傳鴻篇一行
作吏神而仙江淮粵蜀口碑鐫解組歸來地益偏水
之湄兮山之巔月旦評彰良史傳曰忠曰孝皆無愆
聖代表微闡幽阡泮沼烝嘗肅豆籩令子文孫世濟賢奉
主公祠昭事虔夢中請額心拳拳孺慕情眞星斗懸

謝鳳荀龍勢蟬聯山水人文續後先

桃源洞觀石鐘石鼓

黃抱奇

避世秦人不記年磷砉怪蹟各森然歌鐘彷彿雲端
送土鼓依稀檻外傳響徹山僧無覓處音隨漁父棹
歸船源頭現在鈴岡地何必武陵訪若仙

九日遊桃源洞

林鳴鶯

上松山水人稱美磊落英多麟鳳起石圻古洞何空
靈仙跡神踪傳舊史我來浪作桃源遊剔穴搜巖老
未休劈面西風聲颯颯短筇長屐臨清秋囊萸拉伴
高嵐里白頭健步心無悸洞口雲收石磴寒黃髮垂

髻頰倒屣薜蘿遙入崆峒裏灼草燃膏有路通貝闕
瓊樓天所造琪花瑤草殊青葱猛虎昂頭九龍躍龜
蛇盤折嘉林中渡海仙人露雙膝令人可望不可從
吁嗟乎此非木公金母所窟宅如何神工鬼斧爭磨
礪我聞昌黎勇登華嶽頂投書真恐身爲隕又聞劉
阮入天台桃花洞口逢仙回天台華嶽稱名岫此僅
崕呀一大竇古人古人如可作我欲呼來同摸索冬
如挾纊夏握冰坐卧其間寒暑却人生天地皆蘧廬
何必侈口談皇初願結茅亭倚絕壁年年到此探奇
書

洪陽洞

朱 鼐

洞門深鎖白雲間採藥仙人日往還寒澗水流鸚鵡
綠蒼苔花落鷓鴣斑千年瑤草香猶在萬古丹爐火
未閒我欲尋幽最深處不知何路遍躋攀

七峯聳翠

朱 鼐

玉峯如筍當霄立翠黛橫開曉天碧豈知函谷七賢
人直至昌山化爲石山頭化石孕神靈南離燦燦老
龍星我向七峯奠盃酒不知身在五雲層

過秀溪臺小菴

胡鴻漸

曲徑通方丈幽光繞綠叢開軒延月露拂座受松風

夕生集卷三十一
雲護三秋菊霜吟五夜桐天花何處落到此覺心空

昌山

晏斯盛

崇山如劈兩峯青水激山梁似建瓴穩掛片帆凌絕
壁東風遣使借山靈

讀書臺

鄧廷言

鍾山高高鍾山綠昔有佳人在幽谷臺荒只見草萋
萋萬卷不留誰更讀

送歐陽欽同年歸分宜

王杰

倚日同攀杏苑花秋風送別思無涯殷勤視我情尤
切矍鑠憐君鬢已華此去孤帆隨落照幾時高興動

浮槎

節孝張母薛孺人

胡長齡

余官京邸與嚴臨齋友善一日臨齋治裝南旋
別余出其書以示乞余言以爲表章乃分宜節
孝張母薛孺人臨齋之內姪媳也謹按氏年十
七歸儒童張子燧曙其父庠生青藍熟算術友
張明府聘爲轉運幕張子以讀書過瘁閱三載
氏失所天家貧無出氏乃變粧奩藉針織以佐
養殮孝事翁姑與祖姑孳孳待繼撫叔女如己
出翁弟三人俱賴區畫翁歿之日囑四弟優附

生青萬五弟青紫各以長孫繼其後余聞嘉歎
之爲之賦詩

長安二月柳未花嚴生執手來相別故人語半袖出
書班班盡是瀟湘血懇君作詩爲表章懿行一一我
能說內舅弟張氏四人伯兮雛鳳生丹穴長於諸叔
叔未昏因之中饋禰先結入門柔色奉尊嫜新婦宜
家衆皆悅海上仙桃子結遲堦前玉樹枝旋折毀面
幾回不欲生慘看堂上聲還咽不難殉節共泉臺一
死可憐子職缺老親弱叔何傍行願恕未亡生計拙
持家健婦把鋤犁婚嫁向平了一切娣姒先後慶門

楣子姓繩繩粲行列豈知閭室陽春暉此中日夕唯
冰雪迴憶所天永訣時一線孤危繫將絕今日巢完
匪力能痛定翻教心胆裂嚴生言罷重噓唏爲道乃
翁念單子歸裝載得彤管篇庶揭苦心光綽楔濡筆
未敢辭不文臚實唯應彰亮節古來文或藉人傳千
載鈐山高嶽薛他日輶軒採姓名清門本是河東薛
分宜道中

張叔

行路無多阻焉知行路難帆孤人是客霜重月知寒
寸念慚千古微軀罄一官水聲何湍激半里又前灘
過陳雷故居

袁汝璧

零落盤間宅名傳漢茂才烟雲空自繞松竹爲誰栽
寺小無碑碣僧殘獨去來唯餘膠漆在千載識陳雷
過明大學士劉仲質故居
袁汝璧

荒墟香靄接山城儒術曾徵老伏生聖主特修周制
度校官得備漢公卿調饑應怪讀書誤綰綬都蒙稽
古樂零落百年青史在爭知有路到蓬瀛

題鏡心圖

并序

楊曰鯤

嘉慶十五年正月二十五日臣曰鯤選授湖北
襄陽府知府二月初四日遞摺請

訓

名對乾清宮西煖閣

皇上面諭你是楊曰鯤你在刑部年久審案出差最多朕
是知道的知府與出差一理只照出差的事做去自無
差錯知府不止刑名一項還有錢穀屯衛保甲水利諸
事你到那裡留心自然曉得天時水旱年穀豐歉都關
係地方官良否也要你們調劑須刻刻敬畏纔是楚省
民俗雖刁實在冤枉的也不少問案時莫先存懲刁的
見識須虛中詳審使他心服口服冤枉也雪了刁風也
息了自然不致上控襄陽教匪初平餘孽未靖西南幾
省咽喉全在這塊地方須要實心實力做個出色好知

府自然天不負你這就是教你的話照這樣行去就是
欽此臣聞

命之下服膺弗忘二月二十日領憑二十九日由京起程
四月二十七日接印視事效勤補拙以儉養廉一切
地方公事次第舉行期仰副我

皇上諄諄訓誨之至意爰作鏡心圖以自警並賦七言長
律四章用志祈嚮

圖成何事意難忘壁帶簾旌繞

帝鄉覽鏡不堪歌
岬捫心竊慕見羹牆蒲編只合蓬
門老綾餅偏分玉筍香
二十年來司獻典白雲丹筆

佐平章紫雲高處是

皇居

名對

彤廷

聖諭徐臣老無能邀

睿鑒

天顏有喜到寒儒金門日映龍鱗暖玉殿風和鳳翼舒
五馬一麾今出守憑何圖報正愁予
燕山飛旆快從

風七省咽喉半壁雄西晉豐碑沈峴首南陽耆舊話
隆中機槍夜落妖氛淨鐘鼓朝鳴戍壘空郡縣太平

夕
名三
民向化肯銷金甲事農功 錢穀兵刑慎所司匪躬
無術答

隆時行春擬欲敷心腎對影何曾訝鬢髭留得千秋臣
子鑑殊慚百里吏民師煌煌

天語當頭奉日日披圖敬凜之

補遺 勅 序 跋 詩

褒封航江水府神護國真人勅 嘉靖二十六年

天運悠長原資祖德國祚綿亘亦倩神功維我大明
始自太祖高皇帝洎今一十一代羣醜盡滅世食祖
德詎茲虐寇肆兇於西南幸爾李機掃氛於邊陲爾

生於元顯靈於今得大臣之疏奏覓朕筆之褒封朕
再三思維不有爾佑何由安靖爰封爾爲護國真人
封爾妻蕭氏爲一品夫人匾贈護國寧家廟鎮萬世
庇華夏於磐石之安祀享千秋鞏江山於苞桑之固
赫赫濯濯鐘聲與巽令齊宣綿綿延延水府同王朝
並永爾神忠直詔封無私

臨汝草序

王文在

分宜趙南庵先生攝官臨汝期年於灰代之先一月
手詩一帙示予且以予知燥濕之絃也屬出一言以
爲序余憶去冬來興魯書院書院次學廡之旁因得

識交先生夜鐘殘月春雨檐花過從往來殆無虛日
先生類衛洗馬之清羸而神氣冲澹不攢眉首菑之
酸味而得山水禽魚樵牧耕漁之情性有會於中嚼
然而作直如長風振松孤月在水或有時矢口於意
之所不經而適爲拈斷數莖者之所汗僵而却顧人
謂此中有天分焉而不知高曠者固無適而非道也
先是先生南菴詩刊藁清超古秀已可見其爲人半
稔來杯闌燈炮一唱一酬譬之林鳥嚶鳴友聲相應
香楠峯下其樂陶陶而先生磊落襟期浩歌獨得履
巒環翠叅和墨痕使其久宦是邦披榛吊古則慷慨
激發之詞必有百倍于斯者而惜乎及瓜而將去也
夫草屋潛夫幽居而澄照時而咏歌其志猶足以供
採擇於人又况先生秉司訓之任舉涵負以形諸設
施將見鯨鐘鼉鼓助吾聲教之隆一時豪吟洋溢哀
然出大集以陶冶士類於焉繼涪翁西江提唱之雄
固可側耳而竢者而第捺此泠泠之絃問牙曠之有
無於世乎哉

國朝鈐陽詩徵序

袁汝璧

袁於李唐間風雅特盛散見唐詩各集者十餘人分
宜爲袁屬邑袁嶺七峯峙其西北秀江貫其中水土

之所生神靈之所感魁奇文章材德之士代產於其間亦地氣然也吾邑前哲流風如易正翁李公凱歐陽元春稱經學功臣而微言精義書缺有間卽聲韻爲文事之末自一二鉅公專集外殘篇斷句絕少概見豈真人不間出抑收拾而寶貴之者少也予自成童後頗嫻音律古選唐宋元明諸大家曾擇其尤都爲一集而於同邑百年內近人篇什亦復以己意收彙成帙風晨月夕展卷把玩若聚里彥以談騷韻戊辰間友人林子儒珍嚴子介玉相過從案頭翻閱謂此足爲

本朝一邑風雅之徵余以見聞有限網羅多遺且意見頗僻安能以一人之好尚定通邑百年之風氣二君作而言曰吾邑宋明間偉人代起文獻少徵今子有是編而復私之後之視今猶今之視昔姑就所錄存梗概可乎予重違其語又十年復錄得如千首併前詩次第之因書此以弁其首而顏爲鈐陽詩徵云

鈐陽詩徵跋

嚴思濬

表叔林平園有事於東湖邑志招余及竹溪共勦讎校暇檢易堂集吾邑詩徵屬爲編定付梓且令跋其後余謂昔有唐以詩取士士亦爭自奮會昌咸通間

吾郡詩人見宜陽集者至五十有九人而舊志皆逸
之後生至莫能舉其姓氏卽近如有明三百年間詩
亦僅有存者蓋文獻之不足徵也久矣是集自易堂
收錄裁擇頗嚴卽益以從父謹菴及平園所採亦僅
二百餘首夫以百餘年一邑之人之詩而約之止此
數其能徵者有幾然限於所見未由備登且以俟踵
而成之非謂此足盡吾邑風雅之勝也刻旣竣遂識
其緣起如此若夫論詩大旨則三序已詳茲不復述
云乾隆癸未仲春潛菴書於絳雪堂北軒

發安仁驛

劉基

雞鳴發山驛天黑路彌險烟樹出猿聲風枝落螢點
江秋氣轉炎嶂濕雲難斂佇立山雨來客愁分冉冉

送同里劉醫士歌

黃子澄

世人欲學醫國手令人不見古人有古人已遠可奈
何力追猶落軒岐後四時錯運六氣滯窮簷蔀屋多
呻吟眼前盡是學醫者到頭蘇息誰關心宜春劉君
故鄉客京國相逢舊相識囊中贖貯活人方任市懸
壺不盈尺夜來疎雨敲梧桐爲言思歸生秋風侵晨
過我揖我別行李便逐南飛鴻嗚呼上醫不可見搔
首乾坤淚如霰還家種杏早成林宋清當有何東傳

贈分宜張再生

董其昌

歸帆初逗廣陵濤却憶聯衡意氣豪
執法占星三獨坐人倫月旦九方臯
談深漏下添官燭壺盡牆頭過濁醪
如此論交真不俗何殊猿鶴共蓬蒿

過陳重墓

袁汝璧

友道淪千載衣冠葬此阿藤花封石
鏽榻刺蔓秋蘿寂寞雞山宇蒼涼牧
豎歌幽堂同駐馬懷古幾經過九日
登鈴山至鈴西寺同梅潤峯弟秉堅姪超

南

袁壽齡 邑人

鈴岡舊有讀書樓勝日同尋勝地遊
風景易傷千里

目田園又老一年秋翠迷昌峽寧中斷
水過鐘山若倒流更指深林藏古刹可
將雙屐此間留一曲平湖記落星人家
倚樹晚烟青渴思江水為杯勺卧借雲
峯作枕屏濁酒同傾慙地主新詩未就
笑山靈鐘聲月色催歸去喚得漁舟渡
淺汀

黃太常子澄

袁壽齡

謀剪強宗志在燕平生遺恨失金川
新朝科甲無雙士歷代文章第一篇
歷朝時文以洪武會元黃子澄天下有道三句為首見王罕皆
程墨所見集人笑皇孫供燕啄天憐碧
血與牛眠精忠昔感風雷異雷揭墓碑事見本邑志乘厚澤今逢雨露偏欽謹忠愍

盧狀元肇

袁壽齡

閒將逸事綜前朝賦就天河又海潮學術能師韓吏部功名不黨李文饒千秋介節傳盧石一代雄才奪錦標遙望狀元洲畔水風光此日未全消

鈴山弔古

袁壽齡

高卧鈴山客當年冰雪姿烟霞遲入閣神鬼聽吟詩碑碣前朝字亭臺幾處基長橋能利濟沒世有人思

過水南寺

袁壽齡

步履新晴後偷閒古寺中雪消山骨瘦泉漱樹根空上巳人皆樂清明鬼不窮名園有花事問是幾番風

夜不山門閉低枝壞瓦溝几筵走蒼鼠殿閣卧黃牛鬼伏人常怯僧貧佛亦愁細看鐘磬字閱盡幾春秋

過昌山渡

吳悟雪

閩秀

漸近瀛洲地仙山隔岸東颿分天末水浪起日高風泛梗身如寄乘槎志豈同江鷗應識我姓氏不須通

題黃太常祠

李繫月

閩秀

南望鈴山歸計遲表忠傳有太常祠符離一敗同悲憤麥飯何人酬太師

分宜縣志卷三二

雜記

經於春秋有外傳史於晉書有載記所謂情迹殊雜
難爲條品片辭特趣不足區別措之則事或有遺載
之則貫序無統在蒙叟謂之卮言在中郎以爲枕秘
可以稱騶氏之雕龍可以助晉人之揮麈志故以雜
記終焉

唐李德裕嘗左宦宜春盧肇以文見知既拜相舊例放
榜先呈宰相時侍郎王起典貢舉問德裕所欲答曰
何問爲如盧肇丁稜姚鵠豈可不與及第起遂依次

放之肇謝主司起詩曰嵩高降德爲時生洪肇三題
造化名鳳詔停歸專北極驪珠搜得盡東瀛哀衣已
換金章貴禁掖曾隨玉樹榮明日定知同相印書衿
新列柳間營咸通初肇除歙州刺史又有途中寄座
主王侍郎詩云忽忝專城奉六條自憐出谷屢遷喬
驅車雖覺還家近捧日惟愁去國遙朱戶乍經新檠
戟風帆常覺戀簞瓢江天夜夜知消息長見台星在
碧霄

盧肇初赴舉見侍郎王起因問曰袁州鄉薦如子者幾
人肇曰皆才選也未易品評如肇者亦猶沅江出鼈
甲九肋者稀矣

盧吉州肇開成中就江西解試爲試官末送肇有啓謝
曰巨鼈負屬首冠蓬山試官謂之曰某昨限以人數
擠排雖獲申展深慚名第奉浼焉得翻有首冠蓬山
之謂肇曰必知明公垂問大凡頑石處上巨鼈戴之
豈非首冠邪一座聞之大笑

盧肇宜春赴舉詩曰離山且作銜蘆鴈入海終爲戴
角魚長短九霄飛直上不教毛羽落空虛明年及第
第一詩固爲之兆矣江西狀元自肇始肇與黃頰同
舉郡中獨餞頗明年肇狀元歸太守請觀競渡肇詩

云向道是龍剛不信果然奪得錦標歸太守太慚
通志古蹟載盧狀元書堂有二說據童宗說文標集序
郡之南修仁鄉有盧狀元書堂遺址存焉則宜春之
修仁鄉也名勝志載盧肇讀書臺在分宜縣鐘山之
側則鄧廷聞詩所謂鐘山高高鐘水綠者是也文人
地與俱韻流傳旣遠所聞異詞自當並記之

宋時邑西禮教坊袁氏有淮安司鹽提舉名德翁者告
致歸養舟溯大江入鄱湖見廻瀾處有巨石水勢湍
激舟多湧入遂解囊鑄二鐵柱於腰子石上柱高二
丈餘俾過舟遙望知避至今鐵柱猶存上有德翁姓

氏

採德翁
自記

寰宇記載宜春東有夢水昔鍾儀欲於此村立縣乞夢
果符所祝名曰思縣因以名水嘉靖袁州府志亦錄
此說而以爲在府城東八十五里未詳其義通志則
云東八十里源流無攷今按宜春東境宋時割置分
宜以里計之此水當在分宜近城上下水次但云因
鍾儀乞夢而名似涉附會金谿王謨江西攷古錄云
鍾儀卽左傳所云南冠而縶者也立縣事屬荒唐且
江西有三夢水豈皆鍾儀所夢乎

李觀字夢符初試南宮賦偶落韻有司愛其策爲取特

分宜縣志 卷三十一
旨由是登第以著作佐郎知臨江軍清江縣時歐陽
文忠公扶護太夫人喪歸廬陵船過清江太守請公
爲文以祭之太守以簡率爲訝觀曰無深訝也旣而
文忠擊節稱之其文曰昔孟軻亞聖母之教也今有
子如軻雖死何憾尙饗觀初爲太學官因上言役法
不合出通判處州題詩一絕於直廳之壁曰十謁朱
門九不開利名淵藪且徘徊自知不是公侯骨夜夜
江山入夢來後終於朝議大夫

元至元間邑北上松有黃汶者由明經起家爲陝西鞏
昌府西寧尹元貞間母老乞養改授本郡宜春尹大
父宋黃時中作秀埜園樓臺亭閣軒巷皆脩又有平
湖曲水繞其堂宅汶繼起加修葺焉今其譜帙所載
詩記皆宋元人筆而府縣志不詳其名可知前代人
物志中遺軼者不少也

歐陽南谷居士元時高尚人也當道以教官薦辭不受
圭齊嘗銘其墓明大常卿黃公勤齋跋其後云昔人
之所積者忠厚流長其遺諸子孫固異乎衆人也自
凋謝之餘而資源兄弟皆卓然復昌其先世又知天
之報施善人果不爽也而南谷亦嘗自贊其畫像有
曰務本之學施於子孫讀此可以知所本矣

泰清門
原譜

明歐陽元春以貧樂顏其齋自為贊云天能貧吾身而不能貧吾心吾能樂吾心而不能樂吾身貧吾身固不樂樂吾心斯不貧人皆以身不貧者為樂地吾獨以心不樂者為貧民噫樂果何人貧果何人後學讀此知先生學道有得可以尋孔顏樂地矣

平園雜記

黃大常子澄受易於歐陽貞受書於周與學受春秋於梁寅初謁時寅令作枯梅詩立就甚異之詩云百千年樹未全枯三五箇花何大疎聞道石門春意動不知曾有暗香無石門寅所居也

曝書亭詩話

太常靖難受戮有妾李氏在獄

舊志作妻

生遺腹子名眾家

兒李旣叔纒死將眾家兒發入樂戶鄭阿闖家撫養更名鄭全通傳至六世孫雲因奉恩詔褒忠賜享復

姓黃氏

舊志

太常遺骸墓直隸崑山縣馬鞍山時方羅織黃練親識皆譁言之萬歷四年太常孫黃熊祭埽馬鞍山值崑山縣民蔣坤蔣艮占塚互訟本縣復勘得實斷坤起遷正勘時忽雷轟墓裂石誌迸出而當時盡瘁間關抗顏死節顛末乃得暴白

舊志

太常與難諸人多屬同邑而名氏不可盡稽城內趙子昇其姑壻也譜內載其姑趙黃氏供狀一條內云供

狀婦趙子昇妻阿黃氏年六十五歲係本縣東廂籍
狀供阿黃係黃子澄姑氏丈夫趙子昇未奉事發之
先物故被子澄姪黃牧童供報趙孟昇仲昇係阿黃
夫弟亦是內戚洪武三十五年九月初五日差將軍
賈福等到縣抄札將阿黃同夫弟孟昇仲昇義男奴
兒外甥彭細孩等抄解前去本戶田地塘七十畝五
分沒官陞科撥與本縣周下狗等承佃將孟昇仲昇
等就刑大辟義男奴兒等充河池千戶所軍役就本
年十二月二十八日將阿黃發懷慶公主府內爲奴
永樂二十二年十一月初一日欽蒙恩旨黃子澄齊

泰每這一起已被顯戮家下男子婦女有撥去教坊
司錦衣衛浣衣局及官家爲奴給配使喚習匠的都
在赦前了着禮部行文書取出放回原籍寧家爲民
當差田塘屋基山場等項都給還他宣德元年六月
二十一日蒙公主府大人王將阿黃關送羽林前衛
舍人張管送赴戶部轉發應天府給到規字九百三
十二號勘合文引照回寧家本年七月二十九日將
原引到縣告繳去訖宣德四年告奉劄付批照本縣
釋放黃子澄親屬趙阿黃原承江字四百九號勘合
事例相同給還改科照舊納糧

採趙氏家譜

太常子澄死遺稿散佚止存贈同里劉醫士歌其詞跌宕奇絕讀之快然惜其時無有收輯之者今方孝孺正學集練子寧金川玉屑集皆盛行而子澄文章泯滅尺牘片語流落人間氣焰光華固不必多也

嘉靖府志

詩入藝文

大常公當世第一等人物弼履任值丙辰之仲秋謁祀如禮徧檢府志止得邵督學記一首而表忠祠田地則周前令刻於祠中前後僅得詩三首餘寥寥不見有表章之者思其久而沒也附錄鈐志後

李元弼跋

崑山縣廩增附生員龔邦衡等呈奉查得建文忠臣黃

子澄江西分宜人建文時與兵部尚書齊公泰同心輔政其始也力陳大計而國已不支其終也身被支解而家已不保即建文君違其先事之謀而縱景隆之貳志主臣淪沒於一朝然文皇帝思其臨刑之語而削漢藩之護軍宗社靈長於萬世則生不屑于王魏而死有關於綱常者大矣顧江右無遺類而黃宗自改田經吳中非故鄉而崑版獨編珪玉是以家咸寧者去墓墳而之他國雖近有祠祀而首邱不存名彥修者收骸骨而瘞新邱雖久未表章而手澤尚在按大常公親題譜中有云莫謂海鄉非故國子孫應

保碧山阿之句與今墓誌所載適相符合蓋危難之際微行至蘇與郡守姚公善起兵勤王自分必死是時存孤死節並行不悖後乃葬於馬鞍山下終得其力迨今蔣乾等有訟而人始知之亦數之前定者矣不然宋初卜分宜之墓曰馬鞍今也瘞公之骨亦曰馬鞍國初發革除之黨曰蔣乾今也訟公之墓亦曰蔣乾皆天也非人夫大常公之死與齊公泰方公孝孺練公子寧同其烈而郡守姚公善義堅死守與城存亡竟不顧其身而克全大節公子彥修志切存祀相時行止率不露其迹而克遂初心凡大常公之有

子有墓以至於今日者姚公之謀也彥修之力也劉侍御璉爲大常公作誌時方當諱言之日故譜中不載而載公子彥修輝及公孫釗之誌稍稍互見在前輩沈魯集中可考也今遇詔訪建文忠臣而太常公誌石出于墓前土中有雷轟地裂之異豈非忠臣之氣湮鬱百五十餘年而一旦逢時遭會特顯靈瑞耶夫形骸在于是英爽在于是必爲之祠祀而使有所依廟貌恒于斯血食恒于斯必爲之立嗣而使有所繼古先聖王崇德象賢有由然矣若夫郡守姚公敦朋友之誼而上不負其君公子彥修篤父子之恩而

下不絕其嗣與大常公並祠祀可也至於大常公立
祠當于墓所而擇其子孫讀書知禮義者主之可也
其蔣乾等所訟良由古塚陵夷而山民售之以蹈不
知之罪故碑隱密而天公借之以昭不測之神此石
一出而無餘事矣

崑山縣申文叅照得黃子澄生前忠節自持乃戮族於
國家有事之秋死後英靈不磨復見碑於他人告訐
之際功德顯著輿論有孚精忠格天幽魂宜慰相應
建祠修墓仍立裔孫奉祀則不惟崇德報功亦可以
垂勸後進矣申道道批看得黃太常當國難以捐軀

其子黃彥修歷艱厄以歸骨百年遺塚久湮沒於蓬
蒿千古精英尤昭垂于宇宙幸際熙朝之優詔遂呈
荒塚之殘碑迹涉異常事關世教既經覆勘明實相
應待表封邱仍修祠宇恤錄苗裔申本院本院朱批
據呈諸生人等查勘黃大常墳墓等事已確明矣則
黃卿之精忠英魂真可謂動天地格鬼神也且白日
飛雷碑石乃出黃昏遇訟忠義斯顯非惟得彰示忠
臣遺跡適又當褒恤之盛典君子於此可以觀天人
之際矣及查黃氏子孫非知府姚公深思遠慮別姓
收籍何得復有遺類况其據城固守臨難不屈信無

愧于顏氏兄弟而篤友託孤保全信義又何愧于孫
陳兩賢相應並祀以表英風

右出崑山刻錄

黃大常十族殉國九死鴻毛開科得士無雙遜國忠臣
第一事淹大禁久格弗傳自革除至萬歷袁公業泗
爲郡守莆陽黃公鳴喬延主昌黎書院講席重修郡
乘始毅然表章次第蒐羅詳立志傳稱明備焉崇正
壬申冬奉詔追錄遜國忠臣易名贈卹其以十族親

故牽連流戍者悉與察豁

明初保結忠臣黃太常楊黃皮張勝成汪彥真楊士

崇等坐誅連謫戍袁州派充漕運死徙者衆子若孫無樂生意會天啓初田御史特疏題明奉旨豁免府縣察核始末具詳永不派運田事下大宗伯咨訪袁郎大常裔孫避難改田姓者也

公特舉郡縣具結表揚公疏入告一時正論益明云
介橋嚴方伯孟衡初爲邑諸生一御史行部至行慶節
禮適天雨拜於庭上孟衡厲聲曰拜下禮也今拜乎
上泰也御史瞠目視之復厲聲曰怒目視君大不敬
也御史爲改容稱歎

嘉靖志

嚴方伯孟衡以薄產六十畝有奇分五子正統八年赴
任四川時親筆分關首題天理人心之所寓七字後
云天理至公昭昭難欺善惡之報捷於影響又云爲
子者皆當以父母之心爲心不可各以私心爲心天
理神明昭然鑒察可不畏哉肝江魏少宰定國清江

楊宮師錫紱俱有跋少宰云方伯清德質存卓然前代詩曰昭茲來許繩其祖武於萬斯年受天之祐其公篤慶無疆之謂歟宮師云先生膺古岳牧之任而分關給諸子田產乃不過中人所以諄諄訓其子若孫者惟此存天理合人心以爲立身行己之本裕保世滋大之謀一言而揭聖賢學問之要嚴氏詩書之業久而彌光不亦宜乎旨哉二公所跋可以爲清白吏子孫提唱矣

袁開叟記聞

新都馬大壯仲履撰著云余讀韓中甫大室山人集中紀三事可爲勸戒者載於此一日四川嚴布政使爲

人峭直潔清自入任至掌藩政歷三十年每食一蔬人謂之嚴青菜由布政使官蜀至新灘灘以山圯入江阻其下流激爲漩濤間以砥石勢如建瓴舟至必轉載登陸使工水者操空舟過灘十壞五六載重強行者百不一存鬼之妖者假此血食例有牲醪祈禱舟人受釐左右以此告嚴嚴曰吾日食蔬而厚殖民神當福我如此心有負神欲降罰何必新灘新灘可以祭免其餘能一一祭之耶且婦女出舟不便遂不出載不祀水神而具衣冠端坐命舟直下遂卽安流蜀人神之

玉塘謝秩年三十落拓不偶棄儒販牛一日薄暮驅牛過新淦村落距旅店尚遠向一老父借宿弗應秩浼求再四老父曰非有所靳全家惟一老一幼不病疫耳復詢以牛放後園無賊否老父曰合村病疫安有賊遂留宿秩自炊飯宿堂中頗有戒心夜半不寐聞有叩門聲內答云謝老爺在此不可來明日侵晨問老父病人狀答曰昨夜托庇安睡矣因留信宿至第三日復聞叩門內厲聲曰謝老爺尚在此爾何爲闕四日病者皆愈鄉隣驚爲神欸留之迭爲賓主全村病者霍然秩歸復折節讀書舉宏治甲子鄉薦任廣

濟知縣

袁傲號蘭溪嵩縣學諭績學家世有盛德自蘭溪至五玉凡七世未析爨鄉里稱爲義門白水林默溪爲立世友傳

澠州舊湖廣地道光元年湖南復新開澠州廳卽其處也攷趙氏四世詩集內有萬歷間養利州知州趙伯冠歸省過澠州示司警姪炳機詩云度支曾主吏燕市幾風霜日但疲行役錢無一貯囊豪門嗟冷炙掩脛乏完裳秋葉看辭樹春花復向陽去來隨燕雁身世遇炎涼合浦遙邊海常平故有倉積儲誠大計典

守簡惟良出納官無曠課詮職有將陟明擢司警清
滉接黔疆六詔王陽駕三刀刺史章新遷慚拓落言
旋過沅湘別子五旬歲迎予一茗筐披雲乍覲面秉
燭引登堂朱夏熯蒸劇洪流古渡長雨過窗列宿涼
沁座飛觴骨月論今昔悲歡集肺腸風塵厭奔走顏
鬢各滄浪阮籍窮原醉阿咸少更狂高岡欣有鳳岐
路槍亡羊散木終辭伐鋒銛在斂銚江山故國勝蘭
菊晚節香歸搆菟裘就遲君共採芳

豐城鄧子龍精形家言未遇時嘗過邑北之山泗鍾氏
禮接甚優感其意爲立一阡曰此縣膽穴也然下阡
後必遇災而其後必貴鍾氏竟如所指葬之果以命
案牽累遣戍遇赦歸其孫聯捷成進士官至左都御
史卽鍾公烱也

西岡彭公大科媿名先生未遇時一貧落拓館於上高
歸過山泗遇雨避於鍾氏宗祠幅巾布衣隆冬遍體
沾濕都憲之太翁留之信宿知其爲宿學明年遂訂
爲西賓三子嫌烱燎皆稟學焉陶冶甚至並噪庠序
彭旣貴而鍾都憲尤以名位著終身謹事之以爲真
人倫師表

萬歷癸丑張公承詔同黃公希憲下第南歸溯長江進

鄱陽湖長嶺下遭風全舟覆沒宜春鄉舉袁公業渠
分宜鄉舉李公日新俱溺焉二公爲友竭力營櫬殯
張公輓之以詩有儘抱文章飽魚腹不將姓字占鰲
頭之句先是張公每見賣生螺螄輒收而放之江歲
以爲常及覆舟之先夕夢螺螄羣聚成盤公跳坐其
上覺而駭之次日舟沒黃公希憲抱一櫓公倉皇自
分必斃恍惚中得一砂堆急就之砂堆與波上下旣
救免砂堆不見也人僉謂好生之報

參泗下
家乘

張侍郎爲蘇州司理時嘉定黃公淳耀與童子試一見
目爲國士拔第一訓勉甚至後每得南畿試錄無黃

名輒拊膺歎曰蘊生不中科目爲失人矣黃卒成名
殉義

明季逆璫獄起始於鄧希詔之造奸成於梁四之潛搆
事露法司奉命會審時張公承詔爲刑部侍郎方具
叅奏忽命東廠王之心主之同衛司覆審王璫護黨
盛氣酷刑必欲易辭翻案且懾張以禍福公曰吾法
司知有法耳遂具疏確報前辭竟以忤旨罷事詳邑

人朱允恭張公墓誌

採泗下
家乘

少司馬總督河道黃公希憲初名金貴計偕時與張公
承詔舟覆楊子江以救得活改字又生後捷南宮歷

蘇松巡撫恩威並著事詳蘇志蘇民歌思之曰是又生我也語具廣輿記遭江左亂出亡歿於紹興一子友蘇字子瞻在里中以赴義死家蕩析無遺順治間有上高孝廉曹某公車過越偶憇一寺中有尼撫十歲兒出與語鄉里告以故泣拜曰我黃公之妾某氏也撫此兒爲主公護遺蛻日夜望子瞻來今已矣爲語其從子子范來取以歸吾老空門無憾孝廉歸語其事子范竟不赴後其家降乩仙大署希憲至判一詩云十年流落在他鄉今日重遊畫錦堂自謂文章能濟世誰知時代有更張鳳毛濟美人何在雁塔題

名夢一場子職未全君未報徒懷忠孝兩相傷時子瞻之婦在傍跪請曰大人柩在何處兒來奔歸卽判云青山隱隱路迢迢弱女焉能涉此遙衆皆目子范子范有難色復判云猶子受恩當報答人情反面似

鴟鴞遂擲筆逝

參府志

萬年橋明嘉靖間建或傳拆蘇橋移造考蘇州府志云胥門舊無橋乾隆五年始建方伯徐士林記俗傳故有橋分宜柄國時吳中大吏徹以媚之攷分宜萬年橋記述採石之役舟載山伐積以歲月果移胥橋何待累年且攷別碑有云宏治辛酉胥門浮橋興爾時

橋富無恙何以興浮橋也據此則俗說之妄蘇志已力辦之

明季邑北挺秀鄉夜戕一盜不知其人誰何也盜之族遂誣諸生林嘉會弟嘉會挺然以身代就拘赴臨江獄盜族方以賄進當道訝其非庶民家物遂矜疑出嘉會獄保釋歸讎家夤緣尾追將加以不測事覺過一神廟卜籤得只在蘆花淺水邊之句悟曰吾當匿小澗可免明日取他徑行未幾路迷遇一道士口授一調不甚可曉引至村店中忽不見所與語後多奇驗

張獻忠踞表分黨肆掠過邑北取馬蹂躪村落甚毒林氏族人卜叩祖祠神主爲之動搖跪以其族避得免康熙甲寅乙卯間北境棚寇復熾其黨有來報者語嘉會曰公於我有活命恩明日賊且至矣又卜於祖祠祠門忽墜落走避如前其弟海若稍濡滯被執罵賊而死

皇清順治丁亥奇荒二三四五月餓死者不可勝數有一老人極貧僅餘一月糧曰前輩有言人日食米一合可數月不死不然男僅五日女僅七日耳乃以其米分食之日食一合襍野菜中啖之果得不死亦備荒

者所宜知也

舊縣志

順治四年青黃不接邑北大饑斗米千餘錢恩貢生嚴公一桂捐米數千石設廠煮粥以濟饑民匍匐就食日千餘人有傷飽病斃者忽一道貌老人不道姓名向一桂語曰君行美事而賑饑未得法饑者腸胃受虧遠來喘息未定須令其坐用甘草湯和其胃徐以米汁飲之少頃粥食勿令過飽一桂方歛謝忽不見如法行之果大效父老歷傳以爲盛德事

鈴北紀聞

表有五臺三峽在分宜境者臺一峽二名勝志載袁州五臺自宜春臺而外有仙女鳳凰二臺又彭氏釣臺

湖岡臺俱在五臺之數然湖岡臺釣臺在漢以後非當日漢宜春侯劉成所立城中之五臺也而仙女臺則在分宜其三峽中如昌峽鐘峽皆分宜境

泰通志

十里店赴昌山其間人烟稀少有地名虎落塘者康熙丙戌一無名子被傷死在通衢時邑令周操守介而性執拘疑附近居民謀殺遂拘某刑求極口稱寃後遣役偵訪牽連無辜閱數月爲文告城隍神設公座其旁鞠治將施刑忽天晝晦雷電風雨交作一巨蛇自屋梁墜落公座觀者千餘人無不駭嘆周亦悔立釋牽連人作疑案後數年安福移文關白前案乃知

合夥人圖佔其妻詭云其夫病死遺言感其情令妻歸之妻歸某數年舉兒女矣某一日大醉自言前狀妻遂鳴諸官抵法事乃得白時周已去任後因其弟協鎮袁州過詢前事知其詳猶爲深悔云

鈐北紀聞

水南村民范某家有鬼憑女孩爲祟放火燒衣物闔室苦之延師巫治不少已或曰新令尹威嚴如神盍以告民如其言時知縣趙頤立署其牘准勘訊親詣其家設座排衙出女鞠問無所得因周覽所居宅外有菱竹一叢舊爲五顯神所附命役摘以至據案大叱之曰何物枯竹乃敢爲厲杖之四十應手盡粉仍聚

火蒸之投諸江其怪遂絕

府志

歐陽從姑氏甲子春適姑壻尚志悵所天之遠遊愁斯地之難縮蘭不入夢僅弱女兮相依雁旣長征憶故雄而獨處廿二年艱難備歷三百篇發憤誰陳蘇武窮愁尚幸還轅有日樂昌離別終嗟合鏡無時廻曲效乎清商遂聲成乎變徵其詩曰三春風色上愁顏二十年來人未還欲陟高岡愁我馬雲峯端作望夫山

白雲峯山名

破鏡何時許再圓藁砧一去幾經年南鴻北燕無消息虛費香閨買卜錢 堂上椿萱有老親白頭同念未歸人爲郎甘旨爲郎奉寸草心垂愛日

春 行役頻年感草蟲懷人心緒自忡忡木蘭女子
生何晚難向黑山山下逢 黃鵠年來慣獨飛那知
雲路故相違如今薄命同秋葉葉落辭枝不再歸嚴思

澹潛莽
別稿

歐陽瑾爲諸生時就試南昌間行至一院遇乩仙贈以
詩曰監衡名駒問天閑前路從容步紫關到得雀臺
酣飲後羣才出色舞斑斕當時絕不知所謂後舉進
士由兵部歷官太僕寺卿寺廳舊題監衡堂樓塵迷
黓中見一壞匾則天閑二字也垂二十餘載督學奉
天道經山海關關樓門額曰紫關金川平奉

命祭告河南湖廣陵寢獄瀆撫軍餞之銅雀臺明年遂致
仕瑾一生功名於此終矣熊尚書謙山送別有出色
斑斕看後起遂初隨唱共長春之句蓋臆解仙詩第
四言以望其後云

瑾官奉天時府尹署樓屋六間有狐居之前府尹游息
其中狐化一儒士忿爭不已一日尹方宴瑾狐又至
瑾請見之則美書生也因婉勸其徙狐諾而退樓遂
安

關中旱蝗瑾按行一處見瀕海樹木中房廊隱現因避
雨其家茗椀芬烈若預設者一男子携筒網從側戶

入笑問公至此何故瑾曰有

詔捕蝗其人告云公無憂三日蝗淨盡矣是夕兩大至滯淋不休蝗子附草而生弗能飛咸洗於海瑾駭異命駕訪之則白沙茫茫了無所覩

趙能夫城東人家貧無隔宿糧數口待哺惟漁舟給衣食雍正辛亥江漲驟發佑客順流東下過萬年橋舟人不戒船破資斧盡喪客孑身寄橋畔旅店計無復之一日能夫舉網得籠億客裝呼物色之曰或汝籠乎試疏籠中物合則歸汝客詳開列啟之如數能夫首肯曰是也籠中金四百客德能夫中分酬之不受

三分四分之亦不受曰汝估客失貲則困我一葉扁舟飄然雲水間日得魚足資衣食安用多金爲掉臂去夫利之所在必爭窶人尤甚能夫獨見利思義其古披裘負薪之流歟傳之足以式廉

邑南下桐嶺諸生劉鼎父旭珍性篤孝幼時父目疾幾劇醫曰必食青魚之枕珍冒雪持竿釣於鑿潭獲魚徑尺許食之目遂明母癆瘵將不起珍啣泣無策禱諸神割股肉和參以進是夜母夢神告曰有子如此天已益汝三齡矣次日遂瘳又三載而沒邑令黃步堂聞而奇之爲申詳大憲以獎其行

車田袁某以人命繫獄論死苦無子將歸其田產於族
脫諸奴僕籍命之去有用福者執不可一日詣獄中
請曰奴受主人恩且未報今乘大難得脫籍以行在
奴輩計甚得然於心何安言畢而泣已而復熟視若
有所思久之遂趨而出抵縣署擊鼓呼冤令詰之具
以傷人日即逃尋聞禍移主人不容不出告且哭且
訴令感動權置諸獄越月餘獄成執付市曹妻對之
痛甚用福怡然聞主母有孕喜而仰天吁曰吾自今
瞑目於地下矣袁後果生男承其家業猶歲刑刑
不衰

